

西國近事汇编

一
函
四
册
函

西國近事彙編卷二 戊寅夏季

美國 林樂知 口譯

歷城 蔡錫齡 筆述

光緒四年四月初一日至初七日西報

西歷一千八百七十八年五月初二日至初八日

英君主在溫柔宮時日耳曼公主來英入宮朝見祇候起

居英公爵坎諾脫聯姻德國宗室王爵楷爾士之女

英世子妃及英公主之夫婿自倫敦起身赴法國巴黎斯

都城看賽珍會

英君主下令閱看第一起陸軍現俱整備鐵甲船脫來恩

敷奉令作為旗官船派赴太平洋二等鐵甲兵船不內駱

西國通事彙編卷二
配整備候令又砲船十七號亦俱候令壹丁不公英世自

賽爾丹鐵甲調任拉得潑林蚩鐵甲水師提督運兵船赫
麥利亞自好望角回英

陸軍克納哪官惠爾斯畱派充奧國京城英公使處頭等
叅贊官

土國將軍霍拔脫本英人今已回倫敦

俄王升授大公你可賴斯爲飛而瑪卸極你哪之職以將
軍叨得畱益接統其任勒令土兵讓與拉法那兩處砲台
而土人不允

俄人在美國海口預備潑來佛梯船按潑來佛梯者擒敵

國船之謂西例僱局外輪船巡緝各洋遇見敵國商船僞
升局外國旗比駛近則易本國旗而轟擒之

法國巴黎斯都城賽珍會於五月初一日開門其時各國
宗室戚畹公使軍機議員王妃公主命婦皆聚會於大廳
法之商部大臣持單宣講一遍指示皆有層次俾貴客共
諦視之是日各業不辦事城內外懸綵以賀

德國相臣畢士麻克病漸痊可
德之謀格楞倍緩而利子邦大公聯姻俄之公主名安納
斯台西亞

俄國相臣加支考夫病復劇

格羅字報英國之東方太平洋各屬地及商船恐兵力不敷保護俄之新報亦謂戰時可先斷英國東方商路計太平洋英水師其力不足保護彼處商船俄國水師提督烏集璫夫所部兵船足禦中國海之英水師此俄水師現巡東洋可作潑來佛梯之用以中國商貨在英商手內居百分之八十七分俄能掠而有之必大得利英商船聚泊寄頓之處均在香港其兵力甚弱適引外人攻劫若太平洋之東邊凡科佛島有煤屯積一無保護北亞美利加之北英屬地克倫皮亞俄之巡船亦可至其處愛斯奎毛爾脫船廠僅有圯廢砲臺其造法古舊僅十二磅砲五尊英人

於太平洋料理保商之策不能徧及近二月間俄國水師之在太平洋者行踪詭秘無人能知其所在但知俄水師所泊之佛拉迭薄斯刀克海口已無一船畱者俄人不提此事必有暗謀我英當預防之也

中國西南省攀推黨避兵於英屬之緬甸據新報云今復得一地在緬甸之東北既不屬緬甸又不屬中國向有山蠻及喀青酋管理初不許攀推人開闢今已入居其中計有三千餘口分兩處住東西約距十英里

俄國大公你可賴斯在山斯替法那閱兵距所限疆界祇半里許排列行陣面向土京能見城中高大房屋事畢辭

土王上小輪船徑回聖彼得堡矣

布加利亞回教人聚衆起事彼處本未有俄兵亂民皆避難之人並非因布人暴虐也土京報稱此亂衆有前屬蘇里曼將軍部下之拔須伯助猶鄉勇之類煽誘滋鬧非回人齊叛也

俄之潑來佛梯船所在多有俄復思購美國輪船作爲潑來佛梯之用美國家派員詢問船主有無是事答曰無之惟三月內有一俄人在紐約克費拉特爾費亞問輪船價值並不明言所用嗣後未有續問者有一輪船新伯利亞至美北省梅叻停船處據船主云此船爲俄政府租用搭

船客俄人整備之未知何往客之服飾係俄水師軍裝有
俄侯爵格黎分孛帶領之船內已有六百六十人另有德
國水手一百十人

俄政府與德國輪船公司商議德國鐵路許俄商通行萬
一英國水師封波羅的海口則俄之商貨由德國鐵路行
運

德國伯靈都城百姓聞英預備水師至波羅的海以爲有
害德國商旅以其爲德之北海疆欲與丹馬國瑞典國共
守之而政府不許

格羅孛報論印度兵事英君主發令調印度土兵無不踴

躍爭先以忠勇自奮其願赴歐洲充兵者倍逾英國所召
之數非獨著名有勇之邦爲然卽麥特賴斯孟買西拋愛
種人各急欲出力以保英之天下計五月杪此兵可行抵
毛耳塌島該島已備紮營處所英國以此羣兵爲總營之
先鋒約七萬至十萬之數印人奮勇投効者衆續望再調
然此羣軍餉已不少照行糧給發費必更大論理似宜由
英發給以非爲印度辦事也或謂與俄相戰是爲保印度
屬國起見印度應爲籌款然此不必細論但以國之貧富
較之英今似此饒富雖年增一二千萬磅錢糧各銀號如
行所無事民皆樂輸至若印度債多糧重民力實慮不給

卽令籌一二百萬磅政府已覺費力吾觀印度祇能供給
勁兵而不能責以銀款也英國獨任全軍之費焉可矣據
台姆司報論云國家在印度得召兵之佳地增我英國軍
容歐洲大邦皆知之然我尙須細觀印度兵與歐洲兵出
戰孰優孰劣印度土兵增調若是之衆果否心俱嚮英也
愛克纔密那報云俄將有事衆難逆料顧自我觀之俄國
家斷不因內訌而失朝代俄之上等人皆受約束其不受
約束者明曉新法與歐洲事宜更有一群讀書幼童較他
國幼童更有聲有色其中等工藝之人上不與官府相接
下不與農佃相關俄之農佃於人丁冊居二十分之十九

分城居極寡大半散處各鄉其不能起與朝廷爲難者正以其農與工心各不一俄故深倚農佃與教會之人不致叛亂其最難約束者莫如讀書幼童然無實在幫助之黨則亦不能滋事也

德國扣爾納些報云俄聖彼得堡來信俄人皆厲色攘臂欲出境爭戰以故政府不敢讓情他國懼滋內訌歛吾俄耳騷墨斯科三處亂黨已出吾思俄依一法可安靖無事無論歐洲及本國百姓事事照律法施行俄王不必令自已出則無所指摘然俄狃於君政不能猝改且今日之俄雖曰自主較之法國一千八百七十年守律之王更覺不

如遠甚法王尙且受百姓挾制況今俄乎

美利堅國守衛海疆之鐵甲兵船十有三號巡船二十九號共砲二百五十二尊砲之大者圓徑十一寸次則五寸此特水師之一小分耳船政部謂有船二十二號皆爛壞不堪出洋祇可拆去或售賣更有鐵甲二號每號須銀五十萬磅有雙砲臺鐵甲五號造未竣日後須大興水雷船今乘好機會看他國打仗擇用其最妙之法我格致師須尋繹新法議院應許籌製造試驗之費水雷保守海疆最爲合用水雷船與行動水雷於相戰時用之極爲便捷俄京有信俄派員往美國購備兵船英公使聞之與美國

西國通事彙編卷二
政府言當即禁止俄大公康司坦聽奉命帶領在美僱備
之兵船今祇緩行俄之水師兵由鐵路將至德之罕倍克
海口下船赴美又海部派員赴紐約克者得美國禁售兵
船之信皆懊恨而歸惟前在美國購得之砲船三號亟令
赴克浪斯塔裝配物件以備水師之用

英國達迷斯江謀得危江各口並雀坦姆廠附近各砲臺
缺少大砲今備齊運送以大砲隊兵守之科爾哮乎斯泡
引脫砲臺香米脫砲臺業已安設大砲此守達迷斯江口
者更有三處砲臺保雀坦姆廠等處

英國君主發令速調第二羣陸軍選派將軍哮斯福德領

之又於第一群中分派數隊往毛耳塌鎮守各給馬體尼槍等件

蘇格蘭省克來斯科口岸有匠名奈爾生得鎔鐵新法以礦鐵磨細者加之置於爐使成養氣之火燄經過鐵屑礦鐵內所含之養氣見火卽與炭養及炭相併則鐵內已無養氣卽成軟鐵此法卽打落之鐵屑與鐵鏽均可用焉

美國之費拉特爾費亞省有一輪船拍至肥載煤往法國哈伐口岸銷售此船係輪船公司所派長二百六十尺闊三十九尺深十八尺汽機馬力五千匹裝煤一千七百五十噸並帶送巴黎斯賽會之珍物意欲於歐洲別開一市

西國通事彙編卷之二
面銷售美國白煤所行鐵路與煤鐵皆屬此公司司其事者二萬三千人併眷屬計之此公司可養活十萬人船中帶有各色煤樣合於製造並家用又帶各樣鐵竈當場試驗計其式有二三十樣試與歐洲人看又有大塊煤計重一萬六千磅既淨且硬又有十四號煤船續行開赴英之麥收江達迷斯江出煤處炫賣也

台姆司報五月初三日論云德相畢士麻克勸俄與英彼此相讓俄與英皆畱神著意惟論其詳細則亦未能聽從也俄派將軍叨得留益爲總統以代俄大公你可賴斯各國咸測俄人之志蓋在戰而不在和也

俄以王爵加支考夫病劇調駐倫敦之侯爵虛伐勞夫回國代理外部事宜

羅美尼亞皆仇恨俄人近政府發諭開導百姓意始畧平希臘國政府託英國勸導在土之希臘人解散歸田告以許希臘派人赴公會聚議人心乃漸定

土之脫雷斯叛事未平俄以爲小事不足慮俄令法那與拉白東三城兵降而土政府答云俄欲土國踐約何以俄所俘土衆迄未放回

阿非利加洲北地摩洛哥新得雨深透可以免旱患矣

俄都有信至云王爵羅福斯叨甫斯開奉派爲駐土公使

俄未寄哀的美敦書於土國而復派此公使或謂俄未必再有爭戰以羅福斯叨甫斯開前曾駐土爲公使本主和議不若前公使之主戰也

伯靈五月初二日來信俄國暨歐洲大邦公會議未成業已停歇俄將叨得雷益勒興拉法那白東土兵速行出降土政府欲俄兵退出魯米利亞之境乃許讓之叨得雷益乃領兵退至擦台爾嚼然此地仍近土京土王以其退爲未足

奧國復思圍土之保斯尼亞俄人聞之甚喜俄王發令速調留後兵五十拔塔令砲陣三隊

羅美尼亞初一日來信俄以輪車八十座運兵回俄羅美
尼亞兵掠得土軍械在吞麥求賴爾有炮五十尊

德國伯靈來信以慮英水師封波羅的海德之水師兵船
不得出因先調發兵船泊於波羅的海之西回爾海而姆
哈文海口

五月初二日費拉特費亞來信新伯里亞船仍泊西南海
角停船處與地方未有往來僅購新鮮菜蔬而已據船主
云船客將赴太平洋現商上岸處所乘鐵路至舊金山或
謂俄有官員在太平洋美國中國東洋之界內其帶兵官
與駐紐約克之俄領事有電信相通俄公使亦在紐約克

西國近事彙編卷二
新伯里亞船到口岸已報知華盛頓都城美政府但未識其何往猜其意候有戰信將害英國商船駐梅伍省之英領事官親往西南海角視新伯里亞輪船待其開向何方卽發電信報英又有德國兩輪船從波羅的海開行將到美國帶有俄兵前來大抵更欲購租兵船也英國有數員在美國北省與西省購買馬匹約三萬之數致累美國馬價驟昂也

俄京來信昨早官報刊示俄王諭言一照國法各等人家議欲擾害家國者亟行禁絕二除國家許帶軍械各等人外不得擅帶手槍三內部應定巡捕彈壓之法巡捕遣散

爭鬧有力不足者以兵助之巡捕職司名分在拿送違犯
之人探知有啟釁者卽馳報地方官總督設法解散巡捕
留心風俗優行規矩章程便民各事宜須保金資助之如
有犯者不論權勢品級悉照律法辦理此俄王之諭言重
申前例想民間不靖逾格加嚴也

光緒四年四月初八日至十四日西報

西歷一千八百七十八年五月初九日至十五日

英國下議院以國家調印度兵至毛耳塌未經議院商議
頗不置軍機大臣所爲

俄公使侯爵胥佛勞夫回俄都於俄王前面陳英政府之
意且言英百姓皆期望太平

英議院接文件論圭利脫島羅米利亞等事水陸各軍駐紮之所仍未改易土京砲台土人出力繕修興拉之土兵不肯退出以布加利亞堅固砲臺仍爲俄踞故也傳聞俄人於美國又購輪船五號以爲潑來佛梯之用

印度兵分幾隊駐防波塞海口

即新開河口之城

保護蘇愛士新

開河英倫達迷斯江口水雷業已安置周密

三等兵船康漠闌一號已工竣可裝一千一百二十四噸馬力九百匹烏立治廠又試演後膛大砲

德國兵船五號已奉令畢相因病不能回伯靈德國愛爾孛江上之孛蘭墾尼斯火藥局火藥炸轟殆盡

俄相加支考夫因病乞解機務

俄京希臘大監督被人刺斃

俄國購美國公司走法國之輪船三號爲潑來佛梯船又購萬昌公司鐵輪船三號一名格雷脫釐鉢百利克一名東京一名東洋皆公司船中之最大者德國輪船兩號自波羅的海來者有俄之水兵在船行向中亞美利加海口至阿斯併滑爾即乘輪車往太平洋俄用新伯里亞輪船而美國家不究者以船照符合船主並未犯有不韙新伯里亞船內頭等客皆俄水師裝束駐華盛頓之英水師處公使隨員往彼欲上新伯里亞船而船上人不許

美國之非寧黨頭目請於俄公使願在黨人內挑選五千人助俄敵英按非寧黨卽英國阿爾蘭省之阿立士亂黨常欲叛英者也

五月初十日俄大公你可賴斯班師回俄京俄王與太子宗戚貴人皆往鐵路口迎迓百姓擁道歡迎齊聲稱賀

美國前伯理璽天德戈蘭德至法國巴黎斯京城又有奧國王昆弟比利時國王妃之妯娌及佛蘭特斯王與妃等皆在焉

俄國奧雀考甫水雷局倏自轟炸工匠數百人辟易數里各廠屋並水師工廠儲水雷披屋被轟殆盡更有拍而陸

息林卽棉花火藥三次炸轟三處其第三次去初次祇二
分工夫第三次去第二次祇五分工夫震驚數十英里遠
處聞之以爲英水師開砲攻城民俱逃散查視廠屋盡轟
去不見營盤馬棚爲焚五進樓房明如白晝門窗破屋頂
飛水龍赶到灰燄極速已近火藥棧房內有火藥二十一
桶棉花火藥五噸幸營兵膽大不避死將藥桶滾出肘各
挾棉花藥匣出力搬運運畢火燄尙未及屋其時火星如
雨下而兵不避藥炸可謂勇矣二里內附近民房均坍塌
有十五里外鄉人將飛至之水雷箱件還局有海面之船
距局有三十里遙亦拾得物件送還

波斯國脫海闌都城有信至云波斯王將第二次出游歐
洲百姓聚觀有陪送出城王坐白駿馬至呼山阿拔特閱
兵次早啓行官員始回都城扈從王行者有一千人謂之
開勒凡約有驢駝馬四五千頭裝運行李開勒凡在拷立
斯暫憩王乘馬車再行有二十一員陪從中有美若堪姆
宰相大佛集墨海們堪姆獲鱓堪姆及內侍醫生等中途
謁回教堂禱祈平安忽兵圍繞請假回國王不許一兵擲
石擊王中馬車傷隨員一人自馬墜地親兵隨擒獲兵六
人立卽誅死

俄京有信至云中亞細亞大荒最甚者布哈爾沙瑪坎姆

特極薩克推可曼屬部俄之邊境亦有逃荒至塔斯堪脫
其致荒之由因去冬嚴寒過甚爲數百年所未見春溫積
雪速融成大水布哈爾運河皆沒高地瀦蓄之水堰皆被
冲坍積水無存布哈爾旣失冬種之糧並牛羊而又無夏
天需用之水糧價昂至三倍城中無物不貴以避荒人至
者衆也布哈爾酋長無可籌畫推可曼人逃荒不復至布
哈爾而往阿富汗你斯坦暨波斯國聞荒勢已沿入俄境
法國巴黎斯賽會各國送來珍物尙未位置妥貼此時尙
未足觀獨英國一分已排列整齊法人接待英太子致敬
盡禮英太子亦竭力助其速成阿婆疇伐報云賽會房屋

西國通事彙編卷二
十三
極大正在都城內香迭瑪曠地平排數進如鐵路車房配
列貨物却均合式對面隔山姆浜有脫羅卡兌羅花園可
同時眺覽此次賽會爲天下賽會集其大成足徵法人見
識遠大民間得此賽會之利則前數年喪敗之元氣可復
開門之日雖有雨而人頗熱鬧各工技市肆均暫息一日
相與嬉遊以享昇平之樂焉

薩脫豆黎肥有報云前以歐東之役議會方開有主和之
人名柏來得口才捷給至曼川斯特城與衆人宣講國政
力斥國家調兵主戰之非其視異已者如仇口講手畫聲
色俱厲然措詞不平聽者轉不入耳其專務爲俄地者或

未必失實而指斥英相則爲大謬英相所爲祇盡爲人之道耳設或未安可諫諍令改況公爵騷爾斯伯爾於山斯替法那和約逐條論駁歐洲各國皆贊美心服俄亦未嘗明言其非騷爾斯伯爾所詢縱不必人人皆遵而其指陳利害切中時務剴切著明直足喚醒夢夢柄國者或未可少之柏來得本無關痛癢而乃以此公文爲非任意痛斥出以憤激之辭是反觸衆人之怒而堅欲戰者之心且戰與和俄爲之非英之所爲主也約內最要之條欲英相讓則俄更不肯退避三舍豈柏來得祇爲俄計而不爲公會計乎前謂辦國家事須在緊切一邊方爲萬全今英國家

西國近事彙編卷二
一四
政府主意已定想俄國政府亦已知之不問柏來得黨意
見如何也

英國議院議及俄事而有辯詰者數端其一謂英國君主
無調印度兵至歐洲之權其二謂廓爾喀特果有多餘兵
乃可不由議院商議其三謂西拋愛兵可駐倫敦其四謂
治印度兵亂之法過蘇愛土地界作爲廢紙乃經撓德拷
脫言之頗有深理其言曰英發令調兵何謂君主無權印
度兵餉非由印度開支向例英用印度兵一出印境卽由
英國度支發帑故印兵在本境無須支領英帑下議院主
錢糧之事自是有權於彼以獻可替否何謂英君主無調

印兵之權哉又云英國政府議院無不共樂太平惟英國所要爲之事無論如何必不能退讓一步我英決不令俄國卑微失統亦不令百姓有輕視俄國覆敗之心倘俄國侯爵胥佛勞夫能將此情明告俄王及政府則俄人有見識者必能聽從自此胥佛勞夫聲名在歐洲不更大哉台姆司報侯爵胥佛勞夫今晨由倫敦起程赴俄都此次爲歐洲太平而去欲申明英國確實主意並欲爲事情必能在俄王前力爭以顧全歐洲大局也約二禮拜回英彼新報多擬議謠言不足憑信須胥佛勞夫與加支考夫騷爾斯伯爾皮墾斯秘爾等計議大定乃宣露於外今胥佛

勞夫必迅速來英也

德國議院暨新聞紙大半論德之外部辦事機密百姓固無須猜度其於歐東之事畢相曾言非有十分關係我國必不驅無辜之百姓膏血原野迨德人聞英欲與俄戰封禁波羅的海口頗爲吃驚以爲將累及我國工藝之人恐畢相之言不信於衆也

山斯替法那新條約果行則土之土地人民有可按而知者其在未戰之前土之歐洲地有九千四百六十七布方里土國自轄有六千四百八十二方里在羅美尼亞二千二百一方里在塞耳維亞七百八十三方里圭利脫島不

在其中若照新條約所劃之界土國只剩二千八百二十七布方里且內有二千二百六十三方里之地與土京隔絕土京相連之界不過五百六十四布方里新設之布加利亞國有三千九十布方里較土境更大較土京之界尤懸殊塞耳維亞新得一百五十四方里計自七百八十三方里加至九百三十七方里莽得尼哥羅前止七十八方里今有二百四十八方里羅美尼亞自得陶婆爾楷加二百四十方里劃去孛薩而雷皮亞一百五十四方里不過多得八十六方里卽自二千二百一方里加至二千二百八十七方里至於人丁歐洲之土國前有十五兆五十四

萬九千九百二十三人土王轄有九兆十萬有奇羅美尼亞五兆七萬三千人塞耳維亞一兆三十六萬六千九百二十三人若照新條約土國只剩四兆四十四萬五千人其二兆九十一萬一千八百人在薩勞你卡之西偏卽爲布加利國所隔其在土京及愛鳩愛拿潑祇一兆十萬三千二百人布加利亞新得四兆十一萬八千人塞耳維亞新得二十二萬六千人莽得尼哥羅新得十四萬三千人羅美尼亞劃去十三萬六千三百人而得十七萬四千九百人

英水師兵部新式水雷船能在水下行走長四尺八寸其

創造者爲公爵密爾吞夙工技藝又有脫納佐之新近有
一人名懷脫改製更精以天空氣壓繫於船出有細管令
氣轉動機振行於水下形如大魚其頭有兩眼眼孔內發
出二條電線光可燭照敵船之底龍骨兩眼上有大力撞
頭能衝進敵船其鼻卽砲後膛能旋轉以送子藥裏轉法
借水力爲之其藥爲新式炸藥引電線燃放之查此新式
炸藥近已試驗一磅炸藥力能移一百三十七噸鐵石其
尾不獨作暗輪用並可左右扇出臭穢船無檣木船頂平
船艙分隔裝壓空氣極緊船之沈浮視進水多寡爲準水
愈多則船愈沉如是水底行走自三小時至九小時而氣

始礮每小時可行十八英里其砲之管有四裝於輪之四角第一管開放時第二管子藥裏已裝入第三管水布刷洗第四管已乾淨此其略也

俄之馬兵官謂前月招募新軍甚衆不獨年貌合式卽其黨族亦佳俄王炮隊更須添募身須長五尺七寸步兵須長五尺五寸有一而勒其門欲補足缺額比此更須加長亦易招集至馬夫已人數充滿矣

台姆司五月初十日報云歐洲各都城光景安謐可期太平俄公使侯爵胥佛勞夫回俄總可就俄都人心畧平然尙不肯改變條約如英國意指土國出力繕完京城附

近砲臺士兵不肯離但牛白江之城須俄兵退往愛鳩愛
拏潑而後可撤回羅美尼亞人心恨俄未能釋然以其疆
土仍爲俄兵佔踞脫雷斯省叛未平脫色雷亂民因英人
勸之故兩解也希臘與土耳其兩政府漸和兩國皆慮俄
國斯拉夫黨及布加加亞羅馬尼亞斯拉夫種類勾結則
不可禦也

法國民黨新報論賽珍會之英人設宴請英太子英太子
開講數語法民舉欣然鼓舞惟法之王黨與波納拍脫黨
聞之不悅

美利堅國有數輪船爲俄國購去德意志國書信公司船

俄亦租用在美之北省口岸有六百水手係俄北省非你
須人配巡緝敵國船之用如相戰卽發往太平洋又相傳
美國有非甯黨將乘俄國之庇護攻英屬地加拿他美國
懼亂黨中有巴黎斯亂黨其亂黨首名梅馱本法人亦在
其中今梅馱已就獲美國勒令輸銀於官以爲保押如或
起衅卽將押款充作軍費

俄國京城五月初九日來信云侯爵胥佛勞夫自倫敦起
程中途謁見德相畢士麻克想其回俄之意欲陳明英國
軍機意旨並如何辦法請示俄王有謂其將代俄相加支
考夫辦理外部事務蓋未確也

奧斯馬加國籌備奧銀六千萬福祿林非爲禦俄軍費蓋欲儲備不虞如德國之武備軍餉是也

五月初九日美國非拉特爾費亞省來信謂美有數處民心不靖恐康密尼人亂黨夏間起事國內有無賴之人爲奸徒唆使行兇以償其貧富適均之願此黨人嘯聚甚衆恐各省同時發作計舊金山人數最多餘則山魯危省昔卡谷省新星納替省紐約克省噴昔爾阜尼亞之煤礦處巡捕在各大城內加意邏察噴昔爾阜尼亞監督司的文斯於教會聚時語人曰亂事每起於微而後漸滋大不可制今亂黨以體恤工人爲名實卽康密尼黨唆令作工之

人與富貴人爲難去年工人滋鬧尙無頭緒今有數處康密尼人練演爲兵此種人爲教訓約束所不及須用武以制之或用教會以開導之監督說出熱心衆爲感動亂黨初起必先在舊金山以曹類衆也紐約城內有康密尼人之爲首者名梅戲前在巴黎斯亂黨中最爲狡黠今擒獲令出銀爲押美按察作色嚴諭曰康密尼人亂種非可行於美國而美國斷不容也

埃及之亞力山大埠四月二十七日來信據接印度電報運兵船兩號業已開行月杪又有運兵船三十號開行經埃及往毛耳塌島所運之兵卽印度第一起蘇愛士預備

淡水波塞預備煤薪查埃及新開河每年常有英兵數千
往來經過水上行營威風八面從未有如今此之運兵商
船夾板輪帆雜沓屈指兩禮拜可至蘇愛士五月十七日
可齊集此兵船過新開河時商船不免阻候其輪船不能
拖帶帆船今公司備有拖帶之輪船八號輪船經過此河
約須三十六小時若夾板帆船風順須五十小時不比輪
船之可限時刻紅海有潮汐新開河曲折水隨漲落水下
有潮頭湍激須有熟悉引水者導行爲妙設兩岸有大風
更形危險新開河有引水之人謂之拍勒脫可僱用之印
度政府已請水師提督韋羅倍料理新開河過兵之事韋

羅倍曾於一千八百六十七年奉派於愛阿西尼阿辦理
軍務素諳沙水潮汐並橫風落沙

埃及開羅京城數日前會審公堂有一奇聞兩月前有人
訟墨海們阿利之寡媳得判償物未繳原告卽往被告者
之花園內搬取花草爲押而被告家禦阻之實未曾取其
禦阻時有地方巡捕助之原告復訴之官向例不遵公斷
而用威勢阻者不拘何品級罰監禁三年官拘獲巡捕首
領首領聲稱屬下巡兵所爲實未曾知會審官曰汝屬下
巡捕犯法罪關首領不能推諉罰出英銀四十磅並代繳
衙門訟費

五月初七日巴黎斯來信俄人以英太子在賽珍會講論
法人無不喜悅敬服是英與法兩國邦交益堅情逾私約
不爲異國之利故略覺不懌俄人之心蓋欲離英法之交
以爲快也英於東方事宜法國欲爲幫助出於法人自發
之願新報各家之附俄者漸覺減色蓋山斯替法那條約
改劃土國疆界全背當年盟約故法人皆不直俄當條約
初定法人未留意及此迨後英國出有辯論又睹所劃疆
土之圖遂皆警覺觀其圖土京實危險已極奧國亦受危
險羅美尼亞終不得安謐布加利亞疆界北至黑海南至
愛琴海日後更可拓闢法人心爲之動法早識俄人必於

西國通事彙編卷二
歐洲尋釁是時無暇出禦外國故衆情愈益憤悶惟有冀
望英國以英國能獨當歐洲大局詰駁條約之不妥處英
太子所言已見法人傾心焉

羅馬初九日來信意大利國上議院有三議員諮外部曰
東方之事意國眞居局外與否抑政府依照一千八百五
十六年公會盟約今歐洲議會聚集意國將保全海通行
百姓各能自主否外部答曰現當大局吃緊之際有識者
斷不漏洩機務意國本居局外能循照時勢而辦國家急
先要務爲第一妙著萬國公法與現今時事當有通融若
欲知山斯替法那條約應辦之處則固不能明言也

巴黎斯五月初八日來信數日內有俄國水手經過法都
昨有水手三十人尋常裝束據其首領云美國之俄水師
除新伯理亞輪船外俄於美公司又買大輪船三號波羅
的海水師已西渡俟得有戰信卽爲英國猝不及防之事
俄將擒掠英新疆兵船並阻英與新疆來往之路今日下
午又有一班俄人經此浮海西駛矣

德國伯靈都城來信德國議院及新聞紙皆以樞臣辦事
秘密外部事皆在木本領掌中畢相所出之意衆無不遵
且曾有言德國於東防無甚關係不必流德國人之血以
保護之也

蘇格蘭省愛字停有天文帥六人見水星經過太陽內有
名兌佛斯用太陽照相之法而照有圖並云水星接太陽
外邊時有薄雲遮蔽迨水星已移到太陽尙有一半不在
太陽之處並未見有半規光影水星移接太陽兩相並時
公爵林賽以光色分原鏡照之水星之影漸從鏡上遮丙
字光線十三秒後水星有一分到鏡上之太陽光套又韋
納脫見太陽形在丙字線下並未見有水星直至水星移
至太陽面纔見水星鏡內看不出水星一分更變若何又
有三人於水星初接太陽邊時又於水星已全到太陽而
猶見其一邊與太陽邊相接測量兩次以求其經線距度

有一人名泰爾茂叙於愛賽克斯天文館觀測水星未進太陽星之右邊與太陽左邊並時及既進太陽面星之左邊與太陽左邊並時初測右邊並時三點鐘四十三分其時水星已到太陽面略進些有薄雲遮蔽不及用詳細測量儀器以測空距太陽右面有若干分度迨八秒至十秒雲過見水星有光圓漸近則漸淡水星邊至光圓邊約有水星直徑三分之二復以十寸圓徑口之遠鏡窺之查鏡中斜角線形加八十倍大巴黎斯電報云梅騰天文館天文師強生見水星未至太陽面時與一千八百七十四年在東洋所見同太陽外面有極大氣套於一千八百七十

一年查得之茲用光色分原鏡照水星天氣莫辨其屬何
質水星進太陽面一刻之後用太陽照相法照得一圖從
此可測查其直徑有人在阿非利加之愛爾其也斯與法
國暴度地方照其影相有雲遮不清有二人在美國之余
和叻省奧克騰地方照得水星過太陽七十八圖美國有
二天文臺一在華盛頓都城一在懷斯胖引脫照有水星
經過太陽影相甚爲清楚

美國舊金山四月初七日有亂黨滋鬧欲增工價而華人
在彼工多價廉衆因不喜常聚謀殺害華人亂民有一人
謂衆曰爾等欲政事合意應令朝廷另換一班人美國引

用黑奴與白人爭利雖經數次請逐而未見施行我百姓
名分極應驅逐華人全擠諸海即使地方官擒我亦不能
常屈於監獄爾等皆欲遂願須候官府不管閒帳時與安
富之人痛打一仗或謂美國本地百姓將逐我阿利士人
請試之吾當先驅彼入海已耳恨不拔幟成羣以詰伯理
璽天德而報兵來金山之怨新聞紙謂吾黨已在火藥上
吾謂彼衆在火藥中窺眼見金山沈海不願見金山爲華
人所踞金山人大驕傲俄之墨斯科都城當時亦如是驕
傲無一誠信卒遇拿破崙第一縱火燒盡今金山之城木
爲之尤非墨斯科可比若欲遣散我工人則舊金山亦如

西國近事彙編卷二
二十四
墨斯科例可也

光緒四年四月十五日至二十一日西報

西歷一千八百七十八年五月十六日至二十二日

台姆司報英君主於十二日至阿爾特消脫大閱計陸營
兵一萬三千人

英世子愛登孛大公於毛耳塌督領伯賴脫朴林司鐵甲
兵船其夫人昨已回英

英主幼子坎撓脫公聯姻德國王爵楷而士之少女名瑪
加立脫已登官報

議院大臣柏來得之妻卒於羅些臺爾英君主手函以慰
弔之

德王於十一日回駕伯靈宮有人以手槍擊之幸不中當時擒獲交刑部研訊各省聞信發電報賀威廉王天相之喜接伯靈來函云其人名漢代兒又名雷門業錫匠係薩克遜省人至伯靈不多時初在臨頓路上一邊開槍後至對面樹林內再開槍又不中遂逃走復兩次擊旁人旁人隨德王扈從人追擒送巡捕房據供貧不能自存欲覓死所故以槍擊富豪家俾知不肯賙濟之報並未識車中有德皇威廉第一在也搜其身有亂黨書片及小影像瘦而長年尙輕觀其貌非呆鈍者嗣又獲一人名克利格因漢代兒就獲時彼出而阻勸據供見人行兇故爲排解今已

保釋當漢代兒初次開槍德王車內有公主在聞槍大驚
暈倒及回宮勳爵貴人將相妃嬪命婦各國公使俱來慶
慰德王晚膳畢携宮眷等偕往戲園觀劇沿途百姓見王
無恙莫不額手稱慶至劇園衆爲起立齊唱國樂賀王其
遠處百姓數千赴臨頓路王宮前問安德王無日不出行
以慰衆庶查此事皆由康密尼人黨而來人皆疾惡之德
王於十六日函致畢相云我遇險事引出無數忠蓋之人
咸來慶慰我甚喜悅本國及外國各等人皆謂百姓與我
同心而謀逆者究無多人各省無論興衰皆欲保護王居
可以見輿情之美於義憤中見天良實爲夙昔所未料我

美國五月十五日來信英屬地加拿大繕完砲堡英國派
大砲船四號駛赴聖勞林斯海灣輪船內添置來福砲其
內他畱後兵有九營奉令預備並遣相配之砲隊馬兵分
紮邊險保守凡科阜海島及維多利亞

意國羅馬京城十五日來信戶兵二部疏請籌備銀一千
萬磅以一百五十萬爲馬料給額外馬三千匹以四百萬
興修砲臺以一百二十萬造七桑特邁當口徑之砲以一
百八十萬製備軍械以一百萬建築營房以五十萬製備
騎兵之手槍各件

俄國整備巡船爲潑來佛梯之用欲以害英國商船其事

已確惟尙未聞英國設何妙法以禦之至欲美國守局外之說必不足恃吾知美國政府欲守局外之例而其百姓與俄人交易則防不勝防美國地大船少官府行爲疑亦不甚可靠若到戰時始爲籌備英船受傷已多商貨被掠不少今保險價昂英商船將一錢不值矣其爲累國家尙可問哉顧欲備追擒俄國巡船較守口船須加多英國家添二三號快輪船在美國各海口梭巡不敷則購商輪船改裝軍械以補之如經理得宜他時售去不至虧折每一鐵甲船價值可購二三十商輪船時不可遲宜亟籌之如欲以封口之鐵甲水師保護商船未免過當如派一羣水

甚謝焉即將此意廣布知之畢相得此函後卽刊報以示
諭衆人十七日清晨德王携同眷屬至禮拜堂念經據伯
靈各黨新報所述皆不認漢代兒謂黨中無此人其行逆
之罪爲極大想或因瘋所致無論何黨決不有此人也十
五日德王與公主偕至刑部公主謂在車親見其對王開
槍諸見證者亦隨和之且云此人前僞造銀票常時時冒
德王並有一事足證前禮拜在伯靈照相謂照相者曰與
我多印我一禮拜後必死死後可傳遍各方今聞其事者
果皆欲購其影相而觀之聞德皇於初聞槍時叱馬夫停
輪意甚鎮定絕不張皇卽令從人下車追擒適漢代兒爲

路旁兩女人阻止又兩人按其頸王之從人至搜其袋取
小簿一冊及新聞紙押送巡捕將簿冊交巡捕首領云德
王命汝速行解審

羅美尼亞主十二日閱兵潑剔斯梯復至斯妥爾你主校
閱各旗

埃及國來信五月初四日印度運兵夾板帆船居多以船
面兩旁可搭馬棚計分三群前來十七日可抵蘇愛士今
醫藥房淡水等俱齊備向運水用小船由陸轉運至船其
通水皮帶因印度人茹素者衆特爲改用篷布爲之可謂
體念入微也波塞之煤亦備足

師有賢員帶領赴美國防緝俄船亦足爲力若責成駐美之領事吾恐領事無暇任此艱鉅之職也

日本人在巴黎斯都城賽會據五月初六日之信云日本近來風氣變通日見旺盛爲效甚速初日本爲歐洲相反諸國之一邦蔽明塞聰以拒絕外國有賢哲者山高蹠遠矚亟與歐人相交屏除從前陋習擴拓此後新規其最足令人欽佩者用歐人之長而不學歐人之短從善如流伉爽謙靄爲國家賽會內辦事盡忠有欲定購者價極劃一無虛假歐人頗稱道之五月初一日東洋一分已齊整其所製物件顯有自然之理不獨紫銅器具兼有各盜物甚

希罕其精巧工細非所可及一東洋人名才託成皮排列
一圍屏銅質而嵌金銀有花瓶一對約七寸高銀質如瓷
彩此手藝之新樣價銀一百六十磅紫銅玩器二具嵌金
銀雕刻甚精價二百六十磅較日本尋常所售者更佳更
有一日本人陳設花籃及花均以紫銅爲之工緻大方合
於臥房平頂懸掛之用然其設色名貴可置尊貴處價一
百四十磅有一香爐在上刻古時相戰所用各件如盔甲
鞍韉等價六百磅似此精細手藝不嫌其貴也又有馬口
鐵塗瓷彩假充紫銅此一分恐累眞品又有兩大花瓶漆
極精潔皆東洋古今服飾價四百磅其砂透明如水晶有

一魚在水中洋洋欲動更各種盆碗等物皆精緻歐洲出名盜家觀之皆嘆莫及又有四摺圍屏黑質雕花花以螺鈿爲之盃砂金銀嵌之極稱精美價二千六百磅其餘各式奇物觀者無不讚矣

美國費拉特爾費亞十五日來信俄人在美整備諸事英國家應稍留意觀美國各種新報謂俄人如此舉動有犯美國局外之例俄意欲美議院寬其例令各員在大西洋各口辦事人皆觸目警心其購美國船隻公然用律例師詭避於律法所不及處而用以推至其極英國領事在彼甚爲用心查察俄人作事機密自初至今無閒息恐俄於

各處同時舉發令人猝不及防明日美有新成輪船名舊金山在費拉特爾費亞下水據稱俄人亦已購得鐵身螺輪吃水頗淺重三千噸每小時行十英海里其裝配均改爲兵船式六月間可出海又潑勞肥騰斯地方火槍公司有槍二十萬桿乃前土耳其國所定購者因未付價銀特爲畱下今爲俄國人購用已與土國經手人言明公司卽日開工新與俄立有合同定製來福槍五十萬桿公司增工匠二千名

英國各織布疋廠工匠欲增工價滋事已派兵助巡捕彈壓

法國你雷地方擬興建禮拜堂請英世子及妃破土安設
屋基大石以奠初基焉

英國地理會人於十三日聚議於倫敦書院阿爾考克居
首座云科潑昔往中國西邊探路未竟其事在緬甸被戕
殊爲可惜一千八百七十三年夏脫勞得與福錫得自開

些彌亞

印度北省

至喀什噶爾經過印度與土其斯登恩交界

之高山約有六十至七十駝程

每日駝行里數爲駝程

荒岡廢地四

無人煙乘馬而行食糧須自攜帶及至喀什噶爾遂有人
迎接導引欵曲備至可惜其人已爲漢兵殲盡矣探路人
在彼正冬令嚴寒附近涉歷二次初於十二月三十一日

至正月初十日至俄國界卽喀什噶爾之北約一百十英里測繪甚難墨水已冰寒暑表降至零度下不時入帳幕暖手入俄疆兩次俱未有護照一次偕土耳其陸兵往俄之阿勒來脫山邊其二次往喀什噶爾東北三百四十英里彼處格齊種類居住平沙隨意自主日於大道要路索詐行旅銀兩以爲生活今其軍械已奪去境甚困苦是處最難得者爲水百姓俱留意泉穴並浚井冬天冷度甚大有時寒暑表下降負度至十六度有奇想地多鹽使然有此探路後地理志可改新矣溯瑪可拋羅時至今三百年無有往彼者經過之地甚難行福錫得云脫勞得測繪心

極細所度高山過一萬八千尺前人測最高之山人所不
到不過一萬三千尺今脫勞得測所經過之山更高五千
尺當最高處頭目眩暈肢體無力云云至十五日阿爾考
克遍請賓客赴者一千餘人大廳置有各式地理圖志與
各國奇珍中國郭欽使暨日本公使咸預焉

英國各製造官廠工程似略鬆緩或已得就緒外間人無
從知之倫敦埔頭裝運軍械赴毛耳塌島內有開挖濠溝
及水路工程所需之件海部傳令調撥鐵甲尙有一號亦
令整備候令此船名釐帕爾斯一千八百六十八年烏立
治廠造成下水汽機並船身價需英銀十二萬磅船傍木

厚二尺五寸裝鐵甲六寸厚體重六千一百九十噸裝貨
可五百噸去年曾派往太平洋作爲旗船六月銷差水師
新購得鋼造水雷輪船二號此船本係他國定造今將工
竣長八十五尺闊十一尺地中海各地陸軍齊集每一而
勒其門人約一千之數補額之兵亦已起行每而勒其門
抽馬兵二隊合爲一孛律戩特以克納埒官領之按合二
三而勒其門爲一孛律戩特合二孛律戩特爲一特肥陳
合二特肥陳爲一拷此孛律戩特內有六百名大刀騎將
併合成一拷騎軍國家宿衛軍募新兵補之英政府已與
埃及政府商定候印度兵到卽於蘇愛士掖士美利阿波

塞等埔頭上岸

巴黎斯賽珍會有中國欽使暨隨員及他項華人往觀法人題扣爾帶中國幼童四人往孛來斯克格致學堂考試錄取據云寄居法國之中國人皆輪流往觀

上海法領事高徒奉派中國全權公使調廣東法領事拉曼爲上海領事傳聞安南國派員赴法都索還安南之三省日聞郎曰旭陶克曰海天此係一千八百六十七年六月法國副提督葛拉昂提割據者度不能邀准也

德意志於呢加拉乖國失和之事業已講解呢國賠禮三月三十一日向布國旗船聲砲申敬四月初五日繳銀錢

三萬元據云呢國自付銀後官員均扣給薪俸之半書院
學塾盡行閉歇六閱月呢國新聞紙申申相嘗見外國人
皆側目視之

波斯國派員在奧國都城維也納租賃大客寓作波斯王
行館蓋波斯王計日可到矣

有人論臺灣煤礦云雞籠之煤礦會親歷目覩足解昔日
傳疑一千八百七十六年九月初七日彼處鑿一直口洞
深三百十一尺煤多斜層有三尺三寸厚其最長之平層
計二百碼更有短分支多處此其一邊也其彼一邊煤皆
平層惟有一處煤層低斷三尺許再過三十碼煤層又高

五尺中有堅石以火藥轟去又一邊平勻不甚廣遠煤皆零碎開挖數碼想平層又有斷處彼有一條出路送煤更易曠地至泊船處有一英里鐵路側坡斜下上則用小工曳之泊船處至雞籠有四英里有船運往據云吳淞拆來之鐵軌將築於臺灣至秦谷之間臺灣道臺欲將鐵路改闊自泊船處沿江築至雞籠每一禮拜祇挖二百五十噸每一里鐵路橫跨曲水十二處渡有三四橋橋多坍塌歐洲人爲重搭之現用大竹籠裝煤由車運至曠口一頭裝水桶桶可盛水三百軌倫曠底掘一潭深二十五尺蓄水用桶裝運出曠彼處有起水機器馬力約四十四匹轉運煤

與水經過八處轆轤又轉動鋸木機器並有鐵作爐三具
一燒本地木炭製挖煤器具現擬設一氣錘並車床鐵作
我到礦地之前一日新到機器多件並鐵八十噸合鐵作
之需次日卽運至泊船處小浜裝運赴礦又有抽水機器
兩具如裝配齊全可以多運煤與水也又有盤鐵練之轉
軸並合於抽水桶鐵絲繩及他用之件停頓礦門口日後
礦內拖車可用鐵繩機器拖之其轉彎處有轆轤以轉鐵
繩新機器裝就每日可得煤二百噸泊船處至雞籠之鐵
路四閱月可造竣惟有最難一事礦中小工無人督領偷
懶者多且慮有不慎之患上午八點鐘尙未動工每出一

桶煤給價銀五本土我觀英國礦廠最重工價每桶只給
四本土彼今工價較多故挖三桶後卽不肯再作四點鐘
卽上矣其付給工價由中國人經手並非在礦監視及管
機器之人故勤惰有不平之弊也雞籠煤每噸計價洋銀
四元八角至五元之數倘工價不減則煤價仍昂直隸海
濱有公司採煤價較便宜然雞籠煤頗有人願購新近有
五船到雞籠口岸而煤缺少不敷裝故有二船仍用沙石
壓艙也土人開挖有三處其煤層斜入山中初掘時向上
繼又向下過於水平之界未有新法能入水平下開挖彼
處官府示禁以爲防水洩入官礦傷人殊可哂也彼處天

氣不勻水土亦惡故多疫病有一歐洲人病歿然煤礦工
作並未停歇

香港電報香港將設四砲台保護口岸向有一迎送砲台
本屬無用更有一小砲台峙於要路此可禦華人之亂不
能防他國之兵香港孤懸海中四圍有多許小島敵船可
踞小島轟擊香港只踞一面開砲其高處雖可擊遠而敵
船以小島爲障卽不易攻左右砲台可阻敵船內駛然不
能禁敵船之遠攻其南面空曠可擊敵船其北面多小島
恐敵船乘夜內襲莫妙於調梅而文

澳大海口孟買海口之

鐵甲兵船與口岸砲台兩面夾擊敵人自不敢近矣巡防

中國海之英船雖多然除旗官船及二等兵輪外皆屬小
砲船合於江面攻擊之用其大者在中國日本各處洋面
梭巡以保英國商船無暇顧及香港也俄國水師兵船駐
泊黑龍江口其來便捷此甚危新嘉坡防堵堅固可恃惟
香港一隅有多許煤貨棧房及各產業當時未計及防範
之法殊不解也

五月十八日據伊考那密斯脫報云俄在美購潑來佛梯
船吾想與人戰不必累及美國美自華盛頓和約內有條
聲明美官自能禁阻潑來佛梯船出口乃新報有謂俄購
美國船爲潑來佛梯之用以爲美咎且謂將失信於英吾

思美國家必不然也美政府於天下大事向不苟且其在
未戰之前購船巡海例所不禁迨奉令爲俄水師卽與美
國船顯然有別美將盡力阻止英兵船遇之亦將視同盜
船矣美人之心自以不失信爲貴抑曾憶美國南北構兵
時南人購英船阿拉巴麻爲潑來佛梯之用事定後費多
許唇舌英爲賠銀今未必要取悅他國致本國有不妥亦
未見得沈本國五穀於海以媚俄國也況英國曾云一月
內發船如阿拉巴麻者可一百號果爾美讓印度五穀旺
售美其肯代劫賊出力耶人謂華盛頓政府懦弱此爲大
謬美於律法所在必堅執不稍假俄國海面之險可阻印

度運兵船不能以美船阻之潑來佛梯船不能追擊輪船
卽令有襲奪口岸煤棧一經會審公斷必不能分贓自肥
也有是三者可想見美之不與俄也

紐約報云俄人謂將在美國發潑來佛梯船一羣此言太
妄夫潑來佛梯一事天下大邦無不痛恨以爲此係昔人
無理之法美國屢欲禁除此弊尙未定議我百姓必不肯
任他國人借海口以發盜船况俄人於一千八百五十六
年在巴黎斯公會內亦曾嚴詞厲氣欲除去之我國何能
聽百姓妄爲乎

紐約海拉爾報云新伯里亞輪船與俄水師船到梅叵界

西國通事彙編卷二
三十一

內並有欲設快巡船劫奪英商船貨之說此二事尙須熟
籌之彼果續派大群船隻乎抑止此一二船爲虛詞恫喝
之計乎按照華盛頓條約我國固不能任有敵英之事惟
承平無事固不能阻俄人前來雖初來不帶軍器後或變
作勁旅我固不能預防其新伯里亞船係在平時僱用倘
或明日發戰書彼或出口美政府亦不能禁之至禁阻搭
客一節尤爲不可譬如奧國船開向英之立發埠其搭客
爲英水師奧其能禁乎新伯里亞船搭客要上俄國巡船
則該船必將出洋尋覓固不能株守美國口內遇之也今
在口岸守候信息俄意不任英商船在海面暢行故英商

船不能保其無累當時阿拉巴麻卸能瀆二船水手皆英人而懸南花旗叛黨之旗我水師官兵追至英國海徑燒之其情事比此更爲可惡英母專咎美可也俄國政府應知我美國家要守局外之例必不致妄爲以累我體冕俄如欲試之必不能成也

英國達迷斯江口水雷置於銷弭脫每一水雷以電線相連通至口岸水雷房有響鈴繫之倘有船撞水雷則鈴必震響司水雷者或不令過卽將電線接連電氣一通卽時轟發其水底樁木已曲折排定矣

英國製造廢內出有新式開花彈合於攻擊土牆之用其

西國軍事彙編卷二
三十一
火樂由漸而燃彈頭用急冷之鋼爲之急冷者以燒紅鋼驟置冰雪內淬之令迅速收結其質更爲堅實故其強擊物不卽炸裂須俟洞穿土牆或敵船然後引藥燃到始炸其炸力比尋常炸彈加有十倍

陸軍機器局內之第三十一隊工匠奉令預備上船無論何等人員不許出遊所需新式軍裝均合給領每人帶一條絨毯毯一面有油絹可以遮雨計給子藥裹七千

創製地那每德炸藥之拿孛爾現又尋得一炸物更爲猛烈名曰能炸之急立聽以其與急立聽無異也此卽取肉內之凍膠明亮者爲之炸藥百分之九十四分爲淡養五

格里色令其六分或五分爲克陸停按克陸停卽棉花火藥復浸於以脫內如明油一般者是也二物併合爲一質極黏緊或用刀切或剪之以置於藥裹及彈內凡用地那每德有一弊病得水卽變蓋受潮濕則淡養五格里色令與所含之木屑或泥粉卽相離離則危險今新創之急立聽雖遇水而所含之克陸停不散水不得入淡養五格里色令不致溢出故不卽炸也其炸力較地那每德亦加倍俄與意國用以製水雷開花彈以代地那每德但地那每德炸藥須以厚冰箱貯之以免消融化散也

光緒四年四月二十二日至二十八日西報

西歷一千八百七十八年五月二十三日二十九日

五月二十四日俄公使胥佛勞夫已回倫敦度其所爲之意無非許和而已歐洲公會當可開議英國有五十萬人聯名簽押公呈外部願望太平騷爾斯伯爾不准行命頭等兵船尤里愛勒士二等兵船茄特脫三等兵船卡莫闌脫速備調遣脫來恩敷鐵甲兵船開赴太平洋二等兵船薄愛提雪阿開赴地中海又印度調兵至毛耳塌之費計英銀七十四萬五千磅

英國尋查南極之事現派水師官難阿斯駕阿勒脫輪船前往

俄國調山斯替法那大軍移近土京叨得畱盆發文至土

王力索興拉法那白東三城拷薩考夫奉命赴布加利亞
國總統之任

威妥瑪在煙臺所議中國和約英政府未盡畫諾以內有
數條須與歐洲各大國詢謀僉同乃可今英已發文至各
國矣印度政府覆到鴉片一節英政府已交議院當可決
定辦法新開通商各口中國能守信約照辦且此約遷延
未定而中國絕無相怪之意

台姆司報摘譯中國郭欽使信函而論之曰上海訛傳郭
欽使與中國政府意見不合且謂與前洋務之奏意見迥
別有駐德國之中國欽使某嗾一御史奏駁使西紀程一

書不准印行郭欽使因之辭職云云其謂欽使心思與前
有異並無憑據惟才如郭欽使目覩歐洲英國情景自無
不色然心動至若紀程一書作於途中在未至英國之前
已所見如是人若目郭欽使爲中國守舊一班則誤矣郭
欽使早已知名能識時務爲中國有見識大臣中之一人
相機度理不拘拘於陳腐若謂有人爲敵因之乞退者非
也前此允往觀斯古得蘭製造廠而不果行非有病之證

歟

美國紐約海拉兒新報館之主人貝納脫購得攀瀆拉輪
船往探北極此船英國所造曾經至北冰洋蓋特造合於

探尋北極之用今在達迷斯江修葺一新不多時卽出海
美國議院許入美國船冊升用國旗請伯理璽天德派國
家水師官員督領之改船名爲善納脫其督領之員卽於
前往冰洋水師人員內挑用貝納脫並請格致士偕往俾
測考天文講求彼處動植飛潛各物并天氣燥濕等務准
定於一千八百七十九年六月起行由舊金山太平洋一
直北行經過毗靈海峽蓋不出格令蘭舊道也

美國費拉特爾費亞電信俄國新購輪船名舊金山省今
已改裝兵船之式船旁裝以鐵板兩邊置大砲四尊有旋
台架砲二尊俄又購美國輪船名克倫孛斯此係鐵船暗

輪可裝一千五百八十三噸長二百八十九尺闊三十五尺深二十四尺飭匠迅速改裝兵船查此船在美商船中行駛最快聞俄世子傳令勸捐欲購買輪船一羣以爲巡海水師卽作潑來佛梯之用謂俄新有一仇敵須在海面攻擊之俄水師兵將各路尋覓敵國軟弱之處乘虛深入斷其商路散其物利倘承平無事此船仍可作水師用也日本公爵搜略在德國學習軍政有年十一月德國政府以其學業有成派爲第二而勒其門格雷內提亞卽帶高帽者親兵之魯脫納卽千總官俟秋間操演後卽起身回國矣其弟在伯靈大書院讀律例須俟學成方歸另有日

本水師官四人在政府請假前往德國學習赴溪耳海口
水師砲船今出海巡查矣

日本政府撥借銀錢十兆元欲以修整國內事務卽內部
繕完碉堡浚運糧河補築鐵路開墾荒地等需

香港總督欲新設鑄造銀錢廠前時曾有商人開辦數年
彼時總督執意裁撤因卽閉歇機器售與日本無不惋惜
今擬創設局廠甚非易事若早知其難當時何必閉歇且
一直開辦至今業有利可坐享矣商人會以前有人疏請
造英國銀錢擬酌定淨銀通用分兩而英政府未允今祇
自行設法鑄造以便東方商販中國各海口向無銀錢殊

多費事因思更變其法俾令隨處通行日本於五年內鑄造銀錢歲值二兆元之數每年獲利二十五萬元日本既有成效香港尤屬相宜且中國喜用銀錢如英國鑄造通行則他種銀錢均可置之高閣而以英鑄銀錢爲通寶矣卽於小銀錢亦可獲利也就令不得利益僅敷工本亦未始非有益商務之舉愚以爲此事亟須開辦以中國北省將欲設鑄造銀錢局所望香港總督出力籌之也

台姆司五月二十四日報今外部最要之務在胥佛勞夫往俄都一事胥佛勞夫於禮拜三日回英中途謁見德王暨德相畢士麻克其如何辦法秘而不宣大約英欲更改

山斯替法那條約俄政府必能依允其最要者將全約交
付國會公議之一言耳俄軍近日移紮土京密邇之地殊
屬可疑俄人每以山斯替法那有疫氣爲言土京倍爲戒
嚴

土京五月二十日有人來信云頃聞叛亂之信卽往外探
看大勢尙平靜惟王宮一邊大街有邏卒守住不令往來
遙望暴斯勿勒斯海峽有兵船環向王宮鐵甲船烟通有
煙起聞王宮內亂亟回查詢知土王在宮發電信到軍機
處令各臣俱齊集其實有一土官名阿里蘇滑肥爲土耳
其新黨出名之人士王素寵任之阿里蘇滑肥思謀不軌

私將軍械給難民令赴陸駝潑叛黨同助作亂有一首開
興領隊者暗助阿里蘇滑肥布置一切今日若輩羣聚一
處搶劫製造局軍械分給衆人先到王宮與王行禮衆隨
往王宮至棚前有守者詰問一刺而斃入門至庭有衛者
亦殺之遂一擁而入倏聞土王處有手槍連聲卽有宿衛
步兵二隊來前衆遂披靡步兵格鬪間見阿里蘇滑肥在
內卽斬之又斃二十一人槍傷十五人餘皆生擒交兵船
監押及他處兵又到衆始大定土王親爲鞠囚據供前情
衆初信以爲至宮行禮不謂阿里蘇滑肥卽作亂也王謂
其無辜被脅悉省釋之並命醫治所傷阿里蘇滑肥以文

字魁元謬邀主眷娶英人女爲妻今其妻已遠逸五月二十三日土京又報土王宮被焚殆盡祇餘旁落府第一爲宰相府一爲外部大臣府其宮寢內部義部公學處戶部並軍機處文案冊檔於早二點鐘至五點鐘燒盡宮有四層樓火從內部中起雖有夾牆火燄繞廊延燒甚迅當衆散時命有守衛者看守不知火由何來此宮建造已三十年頗壯麗堅固也燒去珍寶什物不少義部刑案戶部內鐵箱藏有文契票據已燒去所有現存銀錢均銷融成大塊據宮匠查覽謂已不能修須重爲建造約英銀十數萬磅戶部以冊據無存特派員查察遇有應領銀款毋許冒

濫前土王謬賴亦逸去今土王令前王仍回昔畱監宮居
住所有阿里蘇滑肥黨人俱赦原不究令各自新歐人以
此深重土王之大度焉

五月十九日山斯替法那來信俄軍惟兩而勒其門步兵
不動餘俱移紮高處俄將紀律不肅兵多懶惰酗酒卑濕
處多疫病其守路兵閒散自由幾忘其所守之事今高處
各營開浚井泉有病者分派別居

奧京於五月二十二日信俄派拷薩考夫爲新布加利亞

國之總統駐紮而拉斯雀克

但牛白江邊

赴任後卽出示云某

奉俄王之命照山斯替法那條約來爲布加加亞總統爲

爾衆代辦國政爾民間准公舉新主不限某種某教但須
湔除舊弊改革前章事皆公斷消弭衆怨令民相安今俄
王簡通達政務者暫爲經理欲布人學習政事升任錄用
冀布人日後盡心治理無辜負我俄一番好意也等語布
國設立陸軍俄員領之有布人數千在俄學習教務者今
將回國相助爲理云

五月二十日土京丕拉地方來信前數日有土國債戶派
人來土京羣向各國公使行署請保其債且云歐洲三大
邦有保土國之成議故某等借之今土國雖四分五裂尙
有畱餘疆土欲土國認繳數分債息其疆土已劃屬他國

者視其所得多寡而分認土國之債前有十三條約皆經
計議及此故例應分認不得推諉布加利亞當承平時供
億土國錢糧五分之一今債亦認五分之一如俄以布地
押數

俄國來信戶部大臣賴吞不欲出師爭戰謂近十二年中
竭慮殫心料理國帑開源節流甚非容易惟恐有日用兵
則成規必致紊亂俄今出令行軍又須銀款數十百萬抑
知近二十年昇平共享國帑出入祇得其半未有贏餘國
家所恃者一爲外國信從一爲印鈔局完好近年信義較
衰倫敦巴黎斯不肯再假此次向巴黎斯銀行商借費盡

心力始借得英銀十五兆磅以戰事未能速竣又欲商借而無有應者不得已於鈔票局內設法幾許羅布鈔票名以充軍需邇以年穀順成外國銀價較低出口貨較前價增進口貨因稅重反少是以銀多入而少出出口貨增加七十八兆羅布進口貨減少一百十二兆羅布商情如是低昂俄因此得利約一百二十七兆羅布用以購買外國銀票以還國債計去年購外國銀票英銀十五兆磅此次俄如不能得土國償款則戰雖勝而債更多矣再戰無已時國將何以爲計哉德相畢士麻克有言得勝之國所有軍費理當索償於敵但未識歐洲能踐是言否克力米亞

戰後法與奧戰後其償欸不必一定索取亦有兩邊俱罰
戰敗者固罰戰勝者不保太平大局亦與受罰同否則戰
勝之國既得捷喜又得償費非便宜過甚哉

五月二十五日報英國上議政院論君主調兵印度之事
一議員謂調印度兵君主不由議院咨商而自行出令征
調與國例不合英國家不喜有議院不管之兵國家律法
常常論及夫議院管經之說欲以限君主權柄不任擅專
若君主自有兵自有餉不由議院主持則是無以限主上
之權力顯背一千八百五十八年所定章程當一千八百
六十三年有欲調印度兵赴紐齊蘭經議院議駁不許一

千八百六十七年有調印度兵至阿皮西尼亞

阿非利加地由

議院議准而行今與前章相背將來設有暴虐之主擅調他兵以害我英人其能執簡與爭哉今調印度兵至毛耳塌島不獨違背國例且仍由印度給餉尤與軍例不符況今非急何能擇之時議院並非停歇何不從容與衆商耶又一議員起而言曰國政有是舉實以時務急迫使然所辦之事並無紕繆矧印度兵自一千八百六十八年歸英君主轄理英君主可以作王征調國家亦心懸之何煩辦詰之有英宰相曰彼之論議其細已甚未暇逐一詳辦國政如是辦理祇期大致妥愜今不敢辭求全之毀惟自盡

其心擇善者爲之彼辦詰國政者欲國家守法亦未可厚
非也

奧國下議院籌銀六十兆福祿林奧政府二三其德迄無
一定主見自東方構釁至今奧無日不欲得赫次戈偉訥
苞斯尼亞二省地然此非爲奧利也奧之匈牙利人日耳
曼人波蘭人及宰相安德拉息皆以此二省人如生番粗
莽難馴得其地須費鉅款始得就理或者奧王旣失地多
處今欲取償於此且心艷其堅固砲台故必欲得之固不
可不仰體之也

俄都新報英國久居局外之邦歐洲公法每不復推敲今

復顯出本領強爲出頭逞權柄於國外在海面屬地征調
兵衆俄國此次鄭重相將艱難一戰費多許國帑現又廣
爲調募掃境成行英俄苟互相殘殺恐歷數年之久彼此
各不相降正不知害幾許生靈糜幾許脂膏歐洲地面恐
一時不能平靖也試問相戰有何好處自然有損無待深
言二大邦果同心協力相助太平則三大洲之關係所在
國計人情均欣欣向榮豈不美哉

英國鐵甲船名釐帕爾斯本帶有哈阜水雷機器今復添
懷脫水雷機器鐵甲與本板有二尺六寸厚海部令速裝
配候令此船一出俄雖有大水師不能當也

西法有自記潮汐表英人有作航海通書者奉國家命造
自記潮汐機器欲配印度之用此表不獨海中可測漲落
卽淺瀨亦可測驗比倫敦所有之表更爲精好此表較正
亮月吸力輕重纖悉無差其機器自能轉動晚間用鑰開
之置於海水間明早可驗一年潮汐與月吸引之數也此
表年底可造竣

五月三十一日報公會近有端倪英俄兩國辨難時俄臣
發電至俄廷英臣發電至英廷彼此各定主見以昭公允
六月十一日在伯靈聚集德相畢士麻克抱病未預想會
竣之日或來一行英國外部大臣騷爾斯伯爾代英國爲

全權大臣俄國公使胥佛勞夫代俄國爲全權大臣伯靈公會祇論斷大綱目辦法復偕往土京詳加酌奪其山斯替法那所議條約不過作爲俄國主意如貿易家索價若干而公會之議則如還價耳然土京近數日作事甚不懌人意歐洲各國可以觀矣土雖經此創懲而國政行爲仍似前三年苟且敷衍祇顧目前如一名宰相才識德量無人不敬佩而朝廷反斥去之一將軍升任宰相殊覺是非顛倒英今合歐洲大邦會議所最要者限定土地無令土政累及乃奧軍佔阿達開勒地方又是一樁要事按山斯替法那和約阿達開勒海島營兵應卽撤空今土已撤兵

而奧又踞之砲臺既不拆奧復爲修築之則其權又在奧
歐洲大邦其許之否

伯靈日本公使隨員泰陸喀蘇拉奉命撤回據云日後公
使隨員不得以武員充選近傳德意志與中國有齟齬之
說官報謂屬謠傳惟中國許免內地厘捐未盡施行中國
劉欽使欲與德廷論議此事而德不與議以此事非劉欽
使所能主也

三十一日東方之信公會請帖未發因最要之兩大國英
與俄仍未和協或德相畢士麻克能出力排解當可解圍
奧都維也納電報謂英外部云欲英相赴會先令俄軍退

出瑪墨拉海愛琴海南羅美尼亞地方乃可奧人意多猶
預訛言四處

歐洲人留意俄土相戰而因東顧亞細亞之事喀什噶爾
爲中國克復則彼處確爲中國之一隅中國於亞細亞洲
卽爲有權前雲南大理府回人踞爲都會中國克復之今
又恢復西疆東干尼回教百姓殺戮殆盡當初陝甘總督
左欽帥召募漢兵於關外屯田外國人方竊笑其迂乃今
觀之方知左欽帥急先軍食謀定而往好整以暇步步爲
營老成持重之畧決非西人所能料一千八百七十六年
十一月漢兵攻克馬耐司大城卽烏魯木齊分略諸地部

署已定然後整軍進征強勁之酋虜喀什噶爾阿米亞卽
阿古柏帶領大隊兵馬迎敵離喀城二千七百里之遙狐
火宵明鼓角曉震有氣吞天南之概乃天誘其衷中途殞
命後人爭位自亂不復同心禦敵漢兵自吐魯番阿克蘇
前進庫車勢如破竹迎刃而解一千八百七十七年春月
至十月間漢兵略定伊犁之東喀喇沙拉地方遂克庫車
其部伍嚴整運籌不苟如俄人攻基法一般似此行陣足
見總統金順之大才其兵亦肯耐勞苦志堅力果計二十
日中漢兵經過一千二百里荒野沙漠而得三城一大捷
由是阿克蘇喀什噶爾葉爾羌和闐及土其斯登恩之他

城先後克復一千八百七十五年甘肅招募之兵於七十
七年在喀什噶爾城內過冬中國至喀什噶爾一律肅清
用兵可謂神矣其克喀喇沙拉也兵以寡勝其克阿克蘇
喀什噶爾也兵以合圍勝使歐人當此不過較更神速而
其軍律亦無以過此平時歐洲人輕料中國謂中國人不
能用兵迨今觀中國之恢復回部更勝於克復雲南大理
足令吾歐人一清醒也顧被克之人仍是亞細亞人倘與
歐羅巴人較短絜長未知孰勝法國神甫赫克曾云中國
兵有好軍器盡心操演得良將領之到戰場亦甚勇猛俄
人初頗助漢而今心稍變以與講科刊之地左欽帥毫不

肯讓耳西藏雪山之南廓爾喀前會朝貢中國緬甸亦附
中國爲朝貢之國他時中國能強盛未識欲收復其地否
然中國人大半阻禦西法內地尤與西人爲難吳淞鐵路
拆去可見其阻禦西商之意泰西諸國凡與交涉者宜慎
旃

光緒四年四月二十九至五月初五日西報

西歷一千八百七十八年五
月三十日至六月初五日

台姆司五月三十一日報波斯國王至俄國都城俄王親
爲出迎禮數頗隆俄民心異之然已非復前次熱鬧矣曩
昔波斯王購勒斯等深居簡出國中人且不得一見何論
他國波斯王初到歐洲人皆以爲希罕今已來二次矣其

冠飾珍奇合乎品式論教化等務頗允講求前次允許歐
洲多許事宜迨歐人至彼則往往盡爽所約英初期望波
斯整頓政令而今已不然矣此次歐洲敬禮必少衰不以
化內之國王視之王今遊歷歐洲各京城較五年前仍一
色新鮮富貴水陸各軍常有格致家新添奇巧製造之件
且比前更精波斯王心爲艷之惟本亞細亞洲習氣其怠
傲不振之病根已深膽力漸收漸小北數省尙稍有力
量近多饑饉疫癘及他災患如棋受圍劫不能比數於上國
矣故其王在聖彼得堡無論交際如何亦終無能爲役蓋
俄王久奴虜使之波斯日弱俄國日強波斯之希拉脫省

俄人亦頗垂涎但遣一旅之兵波斯已不能禦敵果彼處
有事波斯與英便有關係然吾觀波斯與土耳其以教會
暨疆界事夙有嫌隙土當急迫之際波斯曾無一矢以相
加其無力量可見矣傳聞俄與波斯私有盟約五年中絕
無效驗東方各國主意不定無足深恃俄雖與盟無益也
鴉片之害中國而利西國夫人而知之矣今不惟不禁且
隨時擴充阿非利加洲東隅新有一公司得莫三鼻克省

地五萬英畝

每畝合中國六畝

以英銀十七萬八千磅爲種植罌

粟製合鴉片之資本取印度極佳罌粟種自毛耳滑載來
廣爲栽植地土肥沃極形茂盛製成鴉片比印度上等鴉

片更佳該國王欲廣收鴉片之利許該公司十二年不征
出口關稅云

俄都聖彼得堡五月初四日來信云俄新報內有一告白
謂我俄軍當繁難之任兩月以來調遣勁旅赴仇敵京城
候條約均已簽押調兵回國時有一大水師之國遣兵船
入瑪墨拉海揚威耀武歐洲西邊明目張膽預備大軍幾
幾有相戰之勢其國內銀錢饒足整備已周是和約不復
能堅守矣顧俄有忠義兵民勇衛王宮雖天下有大敵亦
不爲懼彼國試思何苦與我爲仇如此次欲戰必在大海
洋我俄必皆奮勇前往祇須有好快輪船各路布置尋仇

西國通事彙編卷二
五十二

敵輒弱之處擊之有四十輪船以勇將領之即可斷其商
路一月內可散其金堆今欲設立一群自主團練水師開
局勸捐已蒙俄王允諾一得戰信即可遣發如早日齊備
外人不致輕藐則真得太平矣平時祇須移去砲械便可
裝載商貨得利可償捐款俄國此後可常得禦敵之水師
敵人金銀雖較多然百姓願忠於國無如我俄俄王允將
自主水師交世子統帶百姓無貧富皆輸捐我百姓皆誠
信毋懼彼也按此新報告白一出或喜形距躍或深憂不
妥以爲國家出力圖維太平何又出此言以激衆怒乎想
外部行事與內部意見不同然所爲勸捐新立水師之說

如虛空畫符欲恫喝他人徒亂人意無濟於事我觀俄國
議論多而成功少從未見所言施之於行有好法令人信
畏且前新報謂欲塞英國海口大言不忤未見其行殊令
我英人引頸爲勞也惜哉惜哉

土京五月十七日來信謂前議砲台讓俄及俄退兵之說
均未能行似守候英國出場始罷彼俄豫備禦我水師我
水師亦欲斷絕俄兵往來之路妾麥齊湖俄已置有水雷
湖口本難出入俄人爲掘深四尺俾通小水雷船此湖距
暴斯勿勒斯十一英里距伯林蚩海島十六英里距山斯
替法那三里半近有數箱水雷裝赴山斯替法那英水師

以泊船處所炎熇暑疫欲進泊土京近處水手常放舢板
上岸操演並操演水雷船

六月初一日報云近日公會可期有成英外部大臣在議
院所言已有眉目如無他事間阻即可聚會由是可爲國
家賀不開一槍不失一彈而享昇平之福土國經大戰後
已瓜分瓦裂俄亦所傷實多數月以來我英國征發籌備
隍阮不安去戰爭間不容髮今急難已過和象漸成仍到
俄人未至但牛白江地步此英相調度有方之大效也據
拋爾貌云英國今日所辦最是要緊機務各國皆聽從難
得歐洲大邦同爲計議無論條約如何更改土終依傍俄

國不能擅主劃餘地土幾不能國歐洲大邦亦難扶助顧
俄之威權壓於土之境內偏其京城似此情形我英實不
能耐歐洲公會無論如何而東方之事將盡限於亞細亞
洲獨關涉英國不復與歐洲各國相干土王將變爲亞細
亞洲之國王歐洲雖有地而無實在權勢不過通其海徑
寬其扼吭之處令土京活命已耳俄國今日威權已到瑪
墨拉海黑海之南以土京爲限俄人若過此界無一處不
與英國相首尾以故兩海以南地方盡由英國保護我英
國名分須削俄之權勢令適其平數年後或俄更用老法
爭戰且於新得堅固地方起兵歐洲各邦當共伐之現在

公會之意在乎斬斷俄人斯拉夫黨兇悍根株覷破俄國
假作公道之詭謀俄之威權界限前未劃清故過但牛白
江而南莫從阻止今公會必劃清界限令歐洲各國威權
亦推極以至其界歐羅巴亞細亞兩洲界線分明俄苟一
出其界各大邦公爲問罪然盟約不足禁其侵吞全恃大
國兵權至其界以遏阻之俄人每不肯畫守界內必逾界
而南故必得一大國威權勢力較勝於俄乃可絕其過界
之患也

法報云俄國公使胥佛勞夫已得所求俄王許將山斯替
法那條約全付公會論議各處聞之忭慰俄王之心覺稍

自降抑不忍復殘害生靈今乘大勝卽爲止戰未始非大見識也英國今日所爲不過欲俄國認識歐洲公會內有權柄在俄亦知英所欲爲不得不貶損允從今公會議不一端爲日較多伯靈一會後更遷移涼快處再議看來兩大國不至有雌雄之決也俄人擬設巡船欲禦有商船之大敵可謂不知分量矣俄不聞英國又新添水師乎俄之爲是說者特爲虛聲恫喝我勸俄民勿信爲眞而墮其術中也有水師中人在商船會中論云俄之巡船爲潑來佛梯其力必不能奪英商船卽使英船被劫恐日後賠償受罰更倍蓰利害也旁人聞之怒形於色而識者頗躉其

言其實俄人欲以巡船嚇退英國直爲自欺如果欲與英
爭此時設立水師已覺太晚况所集捐銀非專爲水師需
用民勞力殫而又欺之俄之政令尙可問耶故勸人勿爲
所愚也

英之水師兵於六月初十一兩日在索倫地方大閱並
有防邊之鐵甲活砲台暨畱後水師此一羣畱後水師如
遇出征卽作爲各群水師之中權計鐵甲活砲台八號頭
等水師兵船羣聚操演大顯英之威武也英國海部出示
於山海文水灣卽在彌爾福特哈文之北爲操演水雷處
其外排列各種浮標令各商船勿誤闌入

海部官叻色利查得起船新法法將篷布或橡皮製成一空心大氣帶沿船身徧下鐵椗水面繫有浮標卽於浮標處用繩與空心氣帶兜繞船底卽抽空氣吸入氣帶令帶飽滿如大蛇盤於船身船卽爲氣帶所擡浮至水面惟以氣帶繞船身稍覺費力耳

彙期明斯推園畜養鯨魚一尾自加拿他送來色白長十三尺半又有二鯨魚一送英國曼川斯德一送伯拉克城每日飼以活魚

德國相臣畢士麻克欲禁絕亂黨有一議員獻策畢相從之蓋欲一網打盡也在廷諸臣僉云巡捕應擒治之若待

其罪狀已著而始捕治恐未足以鑿人心能悉數擒補充
發遠方除暴乃可安良而議院謂此大事未便施行巡捕
如奉上令可隨意捕逮則百姓將受其暴設或以直爲曲
則百姓皆仇恨巡捕反憐憫亂黨欲滅之不適爲助之耶
斯不克推特報云畢相嚴治亂黨適值有行刺德王百姓
共發義憤之時確是一好機會畢相以亂黨如是行爲深
爲布國憂危最好用一勸導法令各回心樂從不必以權
力驅逐即盡逐之而其心終未服也我固不能怪畢相之
性急德國亂黨較英法之亂黨更爲可惡顧自德法交爭
後民間皆操練武備可以同時猝發畢相此舉尙須三思

議院中將增亂黨議論新聞紙亦亂黨加多防民之口甚
於防川畢相宜廣開言路以宣民鬱乃爲德國之幸也
歐洲公會請英國簡員會議又送接待英員禮數單所有
情事皆遵英國政辦理德國王請一千八百五十六年七
十一年歐洲會盟預議之各大邦赴伯靈公會計議東方
事務將山斯替法那所議條約全交公議英於是允往准
於六月十三日開議英廷簡派宰相皮墾斯秘爾外部大
臣騷爾斯伯爾駐伯靈之英公使勒收又派廓雷克黎爲
參贊大臣又派各部十員爲隨員初八日英相偕廓雷等
起身騷爾斯伯爾初十日起身俄國相臣王爵加支考夫

病已愈俄王簡派赴會以代俄國爲全權大臣侯爵胥佛
勞夫並杜伯黎爾偕往胥佛勞夫已於初二日自倫敦起
身歐洲各國皆各派宰相與會法國又派外部大臣滑廷
春意國派外部大臣拷梯土耳其派將軍賽迭克奧國派
侯爵安得拉息德國則宰相畢士麻克伯靈有電信至言
發請帖後各國均已允諾與會

印度備出疆之軍已盡到毛耳塌聞毛耳塌總督定於初
一日閱兵計印度兵八千人島上淡水慮不足用該處船
廠已備蒸水大汽器兩座晝夜趕備以供軍需

六月初二日德王乘車出遊行至臨頓路第十二號二層

樓房前忽窗內有人開手槍擊王連開四次其時百姓見王聲賀王以手揭帽答謝忽槍中其臂王卽倒於車中御者停車扶起德王回至王宮經醫生驗視取出細彈三十餘箇失血不少尙有小彈在膚內須爛始出疼痛異常醫謂德王年邁恐不能任此重傷歐洲各國發電信慰問起居世子與妃自英國聞信馳回省視各報皆深仇恨嚴定反叛者之罪當德王中槍時衆趨上樓擒獲兇犯欲自窻擲下百姓急呼勿擲皆欲得其血遂交巡捕監禁巡捕訊知兇犯名拏弼林本民間亂黨中人年三十住伯靈已兩年家本尙武有親屬爲博物師考究農務兄弟在陸營有

一妹在醫院充女神甫自供與不安分之天主教人同黨
研問其黨姓名堅不肯吐且云其黨欲行刺掣籤輪派彼
適掣得現各省城鎮巡捕分道捕治餘黨其踪跡甚秘密
欲害德王世子等慮日後更有叛亂國家欲用嚴法峻刑
以窮治之也初兇犯開槍時爲房主禁阻卽擊斃之彈貫
其頸巡捕以車載犯車爲門阻御者倒斃軌中合城皆驚
罕倍克初四日有信至云德水師有一上等鐵甲船忽沉
於海溺斃多人德人無不驚疑據云轉舵誤其方向然未
足盡其情節聞水面八里闊泊三鐵甲船有他船至屢屢
動讓誠所不可解耳

日本政府留心歐洲學問派員至日耳曼學習武備近又
派侍臣二員一名土魯達一名雀他肥喀至伯林德人引
觀御馬苑又一人名土推開爲碼頭總管偕一繙譯自溪
耳韋而海姆斯哈文至檀集克欲觀水師規模

光緒四年五月初六日至十二日西報

西歷一千八百七十八年六月初六日至十二日

倫敦六月初七日報俄羅斯國王於西伯理亞省設立大
書院卽在蒙古滿洲之北直至北冰洋爲俄東大省也西
伯理亞地歸俄至一千八百八十二年爲三百年矣計書
院落成當在是年需英銀七萬磅據俄都新報謂東亞細
亞洲西伯理亞省之湯姆斯克地方設立書院當一千八

百初年會計議及此彼時正料量墨西科都城書院又新
設書院五處一在聖彼得堡一在韋爾那一在陶拍脫一
在喀卡和一在開纜有一大富戶願捐英銀二萬磅爲建
造之需今茲興辦蓋成當時未竟之緒也

羅馬教王欲更張事務有人出阻之王欲辭位獨其相臣
勸弗辭於是有一黨神甫多人極力攻劾宰相欲以去相
者去王也羅馬人擬於一千八百八十一年亦設賽珍會
其職度支者速議章程請交議院議之

埃及國出示招各債主開送清單銀過一千磅者三十日
內須送至其在他國者限六十日蓋欲彙核酌還數成有

英人惠爾生經理度支簽押於示尾

初五日德國王在宮養病諭將政務暫交太子代行其行
刺之兇犯已昏迷無知有兩人監守之有何舉動卽報王
知斯班陶地方有一少年訕罵德王地方官因擒獲監禁
二年各處皆訪擒兇黨

俄京來信中國左宗棠派員至塔斯堪特卽塔什干與俄
國將軍考夫曼議科而茄之事按科而茄卽伊犁有土其
斯登恩總督欵迎中國委員禮貌甚恭

巴黎斯賽會有中國一分物件裝潢絢爛人皆美之其雕
刻玲瓏精緻非耐心手藝者不能有是象牙油漆諸件頗

西國通事彙編卷二
六十一

細巧綢緞皆東方花樣顏色亦佳繡花屏幃精妙無比古
銅瓷器皆古玩而爲骨董家所喜更有商賈各種器具與
西國極講究者大相懸殊觀者尙動目其正中大廳曰脫
羅卡特隆各國珍物羅列其中亦有中國一分有亭以裝
配之此中國器物之大綱人樂觀之其第一分自上海廣
東寄來蝴蝶等蟲豸各種紙墨扇面各金箋各色紙各種
樂器各種女鞋樣式各種錢幣古今獎牌第二分木器桌
櫈大理石紫檀花梨紅木雕刻嵌瓷及油漆各式竹籐椅
枕等件第三分各式衣服棉麻絨綢珠翠金銀首飾海南
台灣運來各軍械第四分五金煤石膏各種草木之花及

藥材又農具工具成糖具成樟腦具銅漏等食品山海珍
錯各種風俗所需物件大率廣東福建寧波上海天津等
處寄來其日本一分有九類一油畫雕刻等件一文學部
寄到之文房圖書各種紙墨並影相自製顯微鏡自製電
報機器金銀銅各件行海圖說東洋海疆燈塔圖各式浮
標一木器一衣服一商貨各產一製造物件一食物一農
漁器具一種植花草類大都工藝製造各種瓷器綢緞五
金花瓶雕嵌等件與歐洲出名之物可頡頏內有最動人
者爲文學一類有格致器具物質由是以觀日本幼孩已
得教訓與泰西不甚相懸其教習之法仿照英國最講究

北省章程男女皆分塾督教房屋均高大通風並令學徒
通曉保養身體臟腑方法雖倫敦巴黎斯無以加此古時
舊法讀中國書全不明格致要理飽饜糟粕以誤終身今
皆讀外國有用之書測繪地圖皆認真不苟論歐羅巴各
國疆域甚詳且盡其水師表明各口岸有圖說並指明燈
塔有危險處國家全圖並東京地圖皆精妙無錯誤可謂
自成一小天下也不謂通商泰西無多年而已能如此國
政人心效應如響豈偶然哉

六月初八日報德國有一鐵甲兵輪船在英國海中沈失
先是有數鐵甲船同行相距祇四分海里之一至福克斯

道行更相近有船名格雷式克非斯脫見有兩帆船駛近
卽捩舵避之後隨旗官鐵甲船見前船讓道亦卽向右轉
舵而前船以將近岸又復駛開適被後船撞頭直衝其腰
船破七分時候卽沉下大約船中有三百人救起數人而
已旗官船頭亦經撞裂兩顛就近入英廠船塢修理

六月初三日報云英相皮墾司秘爾爲全權大臣偕外部
大臣騷爾司伯爾至伯靈公會人謂此行不妥蓋宰相一
人在彼不能與各軍機相商則所斷者必一人私見深慮
於東方事或有見識不到之處所論必久不決且與外部
同行則英廷政務無人經理內事與外事從此分途矣

西國通事彙編卷之二
六十二
俄國海部於克浪司塔脫裝田雞砲上輪船因俄大公康
司坦丁言英國多鐵甲船若用田雞砲開花彈自上而下
轟其船頂較克虜卜大砲更猛英人尙無抵禦法也因於
製造局多造六寸口徑田雞砲自烏拉嶺裝輪車赴克浪
司塔脫上船其在波羅的海砲台用更大之田雞炮以保
之

英國堪密爾公司造一鋼鐵靶子厚九寸係半鋼半鐵爲
之板長八尺闊六尺八寸三分重逾八噸凡他鐵靶砲轟
三次無不壞者獨此靶轟三次未壞又轟兩次視鐵板上
有凹處而實心彈已虛空粉碎矣

法國新製無火機器之輪車於勒肥爾至瑪黎勒勞愛鐵路上試行之鍋內裝滿熱水其熱度在法倫海寒暑表三百五十六度抽氣筒每方寸活塞門上受壓力一百三十磅機器與兩座輪車相連升至高地每二十尺路高一尺一小時行十六英里最好升高之處二百尺路漸高一尺卽不覺其驟高而車行更穩也

台姆司六月初七日報俄京初六日來電信侯爵胥佛勞夫偕杜百黎爾卽駐柏林之俄公使今晚回俄赴酌司科西羅避暑處見俄王覆命擬於禮拜日起身復赴柏林彼時俄相加支考夫擬與偕往

王國簡放宰相爲頭等全權大臣派駐德意志之土公使
爲二等全權大臣赴公會辦論土事携有公牘兩件赴懇
公會各大邦其一件略云土國前派全權大臣在山斯替
法那講和俄軍四面威脅自二月十四至三月初三計十
七日內俄之大營由愛鳩愛拿潑遷山斯替法那有八日
不遑論議俄之全權大臣早已預定底稿土公使不及深
思遠慮以與之辦俄公使要求各節不肯直捷說出至末
一日始盡情傾吐土公使不及細加推敲畧一詰辯俄大
公你可賴司常挺身而出厲色恫喝威勢迫人遇有講不
通處大公卽怒目指揮曰不必議論速進兵取土京已耳

論塞耳維亞疆界土公使大怒爭論大公聞之又欲調兵
前進次早土公使見俄已拔營前發不得已於俄公使前
允諾大公乃收調兵之令一日俄大公來詞色和靄請土
公使於一小時內畫諾欲伸辨而時已不及蓋俄公使之
威力勝過土公使雖曰請畫諾直不啻勒令之耳布加利
亞疆界亦如俄命不敢違此約實是脅迫而成非所甘心
也俄王仁慈著名若聞知此約所成原委必不肯依雖土
相亦與畫押而迫於城下之盟有說不出之苦衷耳願賢
明大邦共利圖之其二件欲改好土國政章尙未登報土
國派員二人赴陸駝潑省查致亂之由始知布加利亞人

受俄人唆使暴虐陸駝潑人其回教人與希臘人被淫掠
尤甚

倫敦六月十四日報波斯王初十日至法國都城法之伯
理璽天德派員二人偕波斯公使在火車道旁迎迓波斯
王穿戴歐羅巴尋常衣服進行館後法伯理璽天德往拜
德王傷病漸瘳右臂尙腫英國相臣賚英君主親筆慶慰
手書至伯靈恭進德王德國行文法外部請飭巡捕代查
在法德人寓所有無亂黨隱匿及秘密證據亂黨欲於哥
他地方聚會爲地方官所覺禁之前行刺兇犯已送至刑
部研訊定罪德王諭令太子監國

荷蘭國有船至西印度羣島之山度明哥島被島人擒獲
充公因該船主帶有軍械送亂黨故也水手等均監禁船
上所帶之格拉尼木料值英銀一千三百磅欲載往英國
者事爲德領事聞知卽發電信通知荷蘭荷人卽發兵船
三號前往索還並責令賠禮

英國近兩年兩次派員赴中國西南隅探路中國官勉強
允行或謂此卽中國和好我國之意中國官以爲外國人
經過地方無足疑畏惟入境一層似大危險百方阻之是
入境與過境截然大爲分別如馬加利初過境頗平穩及
奉英使伯郎之命重行折回入境則被李熙泰唆使害之

是入境不如過境之安矣又如格羅佛那奉命前往查辦
其事由中國內地赴滇亦甚平穩迨事竣欲回則不敢由
原路回滬乃由緬甸航海而回英國人由內地入中國絕
無之事中國不許由陸入境恐將來在中國西邊探路也
顧俄國常在陸路增添商路不獨由內地入其境且將疆
界割據中國並不與爭仍敦交好實所不解我英除香港
外未嘗佔侵土地而不知俄之敦睦今以論中亞細亞事
中國與俄略有齟齬無論確否我英須設法免啟釁端中
國應知俄與英均列於大邦宜蠲除成見深戒前車庶相
和永久中國欲索還舊地則將調兵征取尼拋爾緬甸開

須彌亞卽印度北省黑龍江未可知也

六月十三日爲歐洲大邦公會第一日各國公使均穿公服羣推畢士麻克爲領袖所謂首座也首將各國公使所奉文憑對證並一切寄信委員電報委員是夕德太子設宴於王宮白廳以讌各國公使座客有一百六十人以畢士麻克爲最尊之座其右爲奧相安得拉息英相皮墾司秘爾俄使胥佛勞夫等其左爲法國意國土國各公使等讌飲將酣德太子執爵起而言曰承各國公使大臣稅駕敝邦於公會開議前禱祝寡君病愈足徵歐洲各大邦憐慰之美意敢拜嘉貺余奉寡君意旨期望歐羅巴大邦公

會論議和通虛衷商權以成太平之局敬酌茲酒遙祝歐
洲各大邦君主康疆逢吉並賀各公使成此令名以表我
區區誠敬大願言畢衆皆起謝是日定開議之期爲十七
日云

光緒四年五月十三日至十九日西報

西歷一千八百七十八年六月十三
日至十九日

新聞紙謂人言中國欲習泰西新法情性既殊既難且費
聞福州製造局所造兵船費用甚鉅造成後並不練習水
師行海諸術近聞將輪船作爲載煤之需大爲可惜所延
歐洲之機器工匠及大砲官均請辭去然則中國欲用輪
船練成有用水師恐未有期矣

台姆司報六月十四日聞奧國調集陸軍分紮在臺兒麥卸克蘭昔阜尼亞賽爾非亞等處俄國亦調兵駐彼由是以觀公會所議大局事勢頗非易易衆以爲兩國調兵欲顯示威勢非果欲爭戰也

伯靈六月十三日一點鐘時爲各國公會之始其議事在德王宮內爲畢相辦公所特建者畢相先在焉大廳前有人延引各客初至者爲意大利兩公使著大官服金線繡花又有奧斯馬加兩公使一著黑色軍服一似匈牙利大紳次俄國相臣王爵加支考夫並駐德之俄使徒字黎又駐英之俄使胥佛勞夫與駐德之英使勒收計各國全權

大臣絡繹來赴共二十員德國派外部三員法國派外部
一員均作爲叅贊俄又派參謀二員奧亦派參謀二員英
又添派隨員一人開公會時大廳頂上升一布國大旗畢
士麻克請各公使陞座其座如半規形環向內面如凹字
以字母編各國次序畢相居中右爲奧公使等左爲英公
使等再右爲法意二國公使中爲布國王爵等凹字兩旁
俄公使三人土公使三人遙相對坐奧相安得拉息首言
公會各國君主禱祝德王貴體康強又謝德王欵接各國
公使如禮畢士麻克答言我觀公議可成惟望各國全權
大臣和衷相商爲幸並請各大臣於所議務乞秘密勿即

登報各公使均允諾遂定禮拜一日開議是日之聚祇彼此觀面而已

德國儲妃本英國長公主也因英公使赴會特於帕嘗特姆王宮御苑採得鮮花一籃並草果以賜以示逾格寵異按英相皮墾斯秘爾狀貌魁梧早著聲望今措置俄土機務不恤人言力持大局得以置歐洲東方於安謐不僅英人咸欣欣得意卽歐洲各國皆深欽佩其暫駐行臺每日必有數百人來謁可見人情傾倒之至矣

土京六月十二日來電信脫色畱總督請兵並鐵甲一號今已開行前往拷夫海島希臘亂民已渡海登阿爾斐尼

亞口岸擄掠希臘人以英俄將和好與希臘有關礙也

有人論各國公會各露其欲辦之意英國所最著意者尤在阿米尼亞不必求他國之助而英可獨力保之自脫勒皮藏至波斯灣貿易東方一路萬不可讓於俄手倘卡爾士東南之拔掖集一入俄手則此路卽爲截斷俄人要索白東地方以拷開斯地界海口無更勝於此者然白東土著兵民盡力禦俄俄欲必不可得是以英國家不能不助白東以禦俄軍亦不願以卡爾士拔掖集供給俄國俄若舍此而他求則與英不涉英亦不復與爭若暴斯勿勒斯水徑爲黑海要隘歐洲各國大有關係奧國理應出而與

爭羅美尼亞之孛薩爾雷皮亞爲俄人所攫奧不與爭英亦未必出力羅美尼亞公使在公會可力爭之奧不欲安替浮里劃入莽剔尼哥羅爲俄國口岸英政府更有三意一欲令土國有足以自保之權二不許新設自主之布加利亞奉行俄國政令至愛琴海三不許斯拉夫種族凌虐希臘人論布加利亞地界在保耳肯山之北者不復更改因土人在彼不多勢難自衛也若在保耳肯山南之布地多土國人暨希臘人當時可惡之案皆出其間歐洲人不願其屬土即使屬土而所派之總督須歐洲公允乃可履任蓋以前地方官無不賄賂公行買爵市寵到任後橫征

暴斂以償其借項並以自肥有爲百姓驅逐逃入土京不敢出者上策須令屬邑建設議院其議員半由百姓公舉不限何教如是則下情上達隱曲可宣其保衛地方練習成軍亦緊要事土王可派員統帥之英外部謂南布加利亞疆界直薄愛琴海邊最有礙於大局其沿愛琴海疆界應仍歸土王統轄俾土國行軍仍可由陸路以達西省若照山斯替法那條約劃界則土之西偏省分中隔布界有事鞭長莫及土王於彼已全失其權矣俄欲以土地抵償軍費英外部已實斥其非是以英國全權大臣論及此節毫不稍讓希臘省脫色雷伊拍勒斯等處宜公舉好官其

議院及巡捕皆由民間公舉與南布國同土王派總督主持而已能如是更改條約則歐洲可望太平矣

六月十五日報云阿米尼亞耶穌教人與各教土人雜處保護之法殊非易易公會諸大臣當必有術以處此據格羅孛云印度大城市阿米尼亞商人頗不少膽大有見識廓爾喀特有阿米尼亞大洋行其用輪船通商中國阿米尼亞人實開其端印度之訟師刑官皆阿米尼亞人在印度多年從未有與英官爲難者印度商販興旺彼蓋與有功焉聞小亞細亞爲俄人蹂躪彼情關桑梓頗生義憤英國於彼更有可慮者土之總督地方官往往寬讓苦窳子

種類扞格朝命凡土王出一令行一法苦窳子合則從之
不合則梗之常出行劫設或入俄轄之阿米尼亞境內搶
奪俄總督必發兵追捕卽逃回土境俄亦追之俄人追之
不已必不甘心勢將如基法故事取其地而全有之土王
既不能保其不搶掠不殺戮俄王責詰之欲得其地土王
能不予乎萬一因此啓釁東方危險將在亞細亞地不將
又興公會乎與其事發而復生難事不如乘此次公會預
爲從長計議以絕後患乎

英國試演新出之格林砲三尊一名密得留羅斯炮初次

立靶一千碼遠

每碼二尺半

一聞口號砲卽齊發彈如冰雹驟

兩一篷布靶已擊粉碎二寸厚之油木板亦洞穿計一分
時內開放彈子一千枚較之諸式格林砲每分僅放三四
百彈者相去懸殊矣後移靶於八百碼六百碼彈皆中的
其有彈入地者擊起泥土如拳可以知其力矣觀者無不

昨舌

帕嘗碼有操演船名阜能所有水師幼童學習已成將分
派各水師當差乘天色晴朗令演水雷一次彼處有砲船
數號又有德國永師旗官船皆在焉先演棉花火藥之力
又表明若何口岸用何式水雷保護倘有敵人水雷在彼
用何法以破其水雷先發自行小輪船一號直赴敵人水

雷處轉動機器以觸其水雷卽自轟炸又演用棉花火藥
斷敵人之電線與鐵纜並放浮水雷敵船碰之卽炸又用
魚形水雷游行數轉一排十二個沈下水底以破敵人之
水雷同時轟發不啻雲垂海立之觀焉

俄土之戰英國守局外之規各製造局並未代造一彈一
藥裹美人大爲得利有英人遊美國廠見其造子藥裹甚
忙至一公司見土國俄國各派一人同在一廠監造來福
槍及子藥裹不特此也美國有織布廠多處貨佳債廉有
自陸孩爾寄布疋至英之曼川斯德夫曼川斯德英之織
布處也而美布反於此炫售今德國之罕倍克澳大利亞

洲之彌爾益市肆美貨居多卽英之伯明罕本製造諸鐵器處而所用斧又農器鐵轆轤並各種生鐵器具反從美國購來雖加保險水脚百分之十七八而抵英後價轉比英爲廉蓋美國製器無一不用機器故所出之貨更多焉印度有未屬英轄之土司其最著名者如南印度之哈特來排及中印度之滑廖英陶三處其先勇猛好兵近嗜鴉片血脈枯槁神智昏迷又喜淫亂其精氣亦已消耗不啻自行攻伐不能與前相比祇擁產自奉而已哈特來排當一千八百五十七年印度叛英時其相臣名賽拉陳以爲與英戰則不能萬一必勝卽幸而盡殲其衆英人從海上

續來必至兵爭不已生靈塗炭國帑虛糜無益於事不如
善事之猶得有與國之目馬於是分撥練兵出以禦亂今
賽拉陳尙在其部落從不與英啓釁人民共十一兆兵五
萬人內有大砲七百二十五尊其次爲辛提亞約一萬三
千方英里人民三兆大率印度土人居多而回教白頭人
寥寥馬錢糧歲得英銀百萬磅兵五千人砲三十六尊又
鄉勇馬兵一萬七千人雜式砲一百七十尊其兵本用歐
人教練戰時英人不許歐將領兵故雖有兵九千爲英屬
印兵七百所破再其次爲霍而卡在中印度有八千四百
方英里人民五十萬有奇皆經營生理爲業其東薄攀爾

有六千七百萬方里人民七十萬兵六千砲三十九尊其人
未嘗滋事計印度各土司共有騎兵六萬四千一百七十
二人步卒二十四萬一千零六十三人砲兵九千三百九
十大砲五千二百五十二尊以英今日之武備視印度
直朽器如已印度人心不齊故不能禦外國亦自知非英
敵不敢萌有貳心一聞徵調爭相赴之蓋亦心嚮英國以
共保英之天下也

美國六月十二來電信云美國移文歐洲大邦請赴公會
議萬國銀錢通用之法業有七國允諾如瑞士希臘荷蘭
法國意國奧國俄國等今擬定於法之巴黎斯都城聚會

尙望英國德國允從則事諧矣

光緒四年五月二十至二十六日西報

西歷一千八百七十八年六月二十
日至二十六日

台姆司六月二十一日報伯靈公會已聚第三次矣所議甚秘外莫之聞希臘國請派員赴會英粵以爲事屬可行俄德亦無阻意惟法使以希臘本非前公會內簽押之邦殊不愜意十五日英國相臣皮墾斯秘爾於公會開論剛斯坦丁拿潑近處武備須預爲整頓最好相近土京之俄兵英兵同爲退去其詞色雖平和其意旨甚剛毅公會諸大員聞之肅然俄公使胥佛勞夫以法語答之未及盡言爲他詞所阻其意謂俄兵在彼所以彈壓亂黨若無俄兵

與英水師則土京爲亂黨所踞土之君臣必受害將誰從
議條約乎德相畢士麻克將山斯替法那條約手批數條
大旨論莽得尼哥羅布加利亞塞耳維亞三處事宜交公
會從長計議十六日英法奧三公使互相往還並謁畢相
奧相安得拉息論布加利亞疆界聲色嚴毅毫不讓情蓋
俄國以但牛白江南巴爾坎山北爲北布加利以以巴爾
坎山南魯米尼亞省爲南布加利亞而衆公使不肯稱南
布國仍稱爲魯米利亞省十七日公會衆議德相畢士麻
克不出主意惟據其議而決斷之以合乎首座名分法公
使亦不出己意而獨有英奧俄三國全權大臣議論紛紛

仔肩均重意國以爲局外之邦其意偏在俄一邊以奧國分其地意亦欲貪利之也是以公會分爲兩黨其著意用心者爲英俄奧袖手旁觀者爲布法意法國視德國意爲轉移而德之辦法又視奧與俄之能和協與否德國不肯十分助俄恐犯法國之忌十八日公會畢相先示布加利亞事如何辦法各大臣頗著意惟議久不決畢相請衆公使於別室議定主意明日再來公斷可也十九日公議未能遽定俄所謂南布加利亞地土英國必欲劃清不與巴爾坎山北之布加利國相提並論而俄人執不可二十日布加利事議仍不定英俄奧三公使於別室聚議英奧兩

國欲俄兵退出布境土國卽發兵赴巴爾坎山一帶設防以山南有俄兵而無土兵則土仍危險也設或不然公會之議將恐不成俄相加支考夫謂羅馬尼亞公使曰俄國定欲取孛薩雷皮亞地魯公使答曰一千八百七十七年四月十六日俄欲假道過兵與我魯立約魯如許俄兵過境俄當保全魯地此約原稿業已帶入公會今俄若取孛薩雷皮亞則顯背前約且奧國亦將索克雷克瑟託里那與相近之脫雷萍齊矣烏乎可俄英奧三公使議二小時而未能決俄公使力阻英奧之議又慮百姓聞之轉多驚疑因不復議約禮拜一赴公會再議可也

西國通事彙編卷二
駐土京之奧公使於禮拜五日設宴行館請英國公使並
達特耐爾水口英水師砲船提督等英提督舉爵而言曰
英國欲保歐洲免有危險所辦之法甚爲堅固奧國如與
英同盟相將除歐洲後患則天下之幸也

英法國公使勸土國宰相復用休致舊臣諸舊臣在國家
患難時出力有功土王剛復革其職而不用此最不服人
心之舉也

俄人於陸獨斯託建築砲台意欲於布加利亞盤踞若公
會不妥擬與衆國公爭俄蓋料公議不能免衆國相讐故
預爲出力備豫也

美國費拉特爾費亞六月二十日來電信云美國西疆土人叛亂叢山深壑中嘯聚成羣有二千二百人其在平野有六千人美國官兵止一千二百人慮土人堅守要隘多設埋伏不得前進其勢較去年更蔓延守疆之人逃避至砲台處有生番五千人追之美國家現已發兵由輪車載往斷續零碎恐率爲刀俎上物耳

英俄公使於別室議有條約初稿已登格羅孛報蓋於公會之前定見則兩國不以兵戎所保全實大稿皆法文今譯之一英國於所劃布加利亞經線之界萬不能依如俄以爲有益請於公會自陳之然必不能與英意相反二魯

米利亞劃作南布加利亞國其緯線不得沿愛琴海頃遵
照前土京公會所定布國疆域爲是今其界已至雷縞斯
直薄愛琴海定須更改三布國西界亦應更改以布民種
類爲限如其人非布種卽不能劃歸布屬且不可越過拿
肥拔闌至科卸巴爾坎山之界線四上二條布界在巴爾
坎山之北爲自主國其在山南者如英國新疆事理以耶
穌教人總督其地期以五年至十年爲限且須歐洲大邦
公允爲要至俄王以南布地駐土兵彼處百姓必仍受其
虐英外部亦知布界土兵應行退去但俄國不能阻公議
土國應於何時何事至布境鎮壓况英國堅欲土兵直至

巴爾坎山一帶駐防不聽俄公使辯論六南布界上地方
兵統帶官由土王簡派亦須歐洲大邦公允七山斯替法
那所議條約內阿米尼亞事宜不獨俄人爲然英國亦與
有分屬於中八英俄均欲於巴爾坎地方設立希臘民省
分英亦如俄共照料之九俄王決不以地土抵償軍費免
累英國放債之人此條仍舊不改惟俄索償之數過鉅尙
須更改十阿拉斯克脫與拔掖集爲往波斯之大路俄仍
還土俄更欲以科託劃歸波斯十一俄更欲取孛薩畱皮
亞英國終不願所有前在法京公會簽押之各國不肯出
與俄爭英亦不能獨任其難祇可置之而已白東海口俄

欲佔踞英固知日後亞細亞必受其累欲保土地以夷大
難非英莫屬英不必牽率歐洲諸邦今且與說明之俄王
云俄得白東如約卽止不再進規一步我英政府須記是
言以上所論各節改正山斯替法那條約到公會共議不
可再有讓情之處此議卽爲英俄全權大臣面定之約各
遵照施行英公使騷爾斯伯爾俄公使胥佛勞夫同簽押
署諾再者英國政府在公會可請歐洲諸邦於南北兩布
界內均有分屬此其一英政府在公會應定俄軍駐布界
期限並事宜又論俄軍應於何時假道羅美尼亞此其二
俄人於巴爾坎山南界稱爲南布國應於公會定其名稱

此其三但牛白江行船一節暨該處地方事宜英國應有
名分在內此其四黑海與愛琴海相通之水峽暴斯勿勒
斯與達特耐爾行船出入應卽論定胥佛勞夫加一語曰
前在倫敦英國外部大臣兌佩於一千八百七十七年五
月初六日言暴斯勿勒斯與達特耐爾兩水峽行船之事
歐洲大邦業已定奪英國觀之甚妥不可改易我將轉告
新外部大臣云此予所牢記者俄全權大臣在公會應照
此辦理此其五英國政府將請土王允許歐羅巴保護愛
叨斯山上各種神甫與眾教士一視同仁待之此其六英
全權騷俄全權胥均簽押

西國通事彙編卷二
土國水師將軍霍拔脫本英國人函致台姆司報館云人
皆議論白東地方將爲俄國割據之事貴館能容我抒寫
所見請觀報者留意焉俄人因布加利亞耶穌教人受土
國暴虐故發兵征之所以懲其弊政也今白東附近等處
數百里皆回教人民俄欲割而踞之其意安在或謂俄傷
耗人民脂膏故欲取償土地然土國亦傷亡四五十萬人
一無取償俄獨託保衛教會之名勦滅天下之佳麗處而
利其疆土尙復有情理耶顧此未暇深辨我祇問持公道
者土國管耶穌教人政多無狀何不專辦此事而乃以亞
細亞洲之白東回教人投諸俄國鼎鑊是何緣故我在彼

親覩白東等處賴籌斯種人忠勇奮發有一萬二千人効
死疆場手執槍口銜刀拚命衝擊不願爲俄人所得俄軍
爲退出界外兌肥些將軍督領土國陸軍在彼我督水師
同心堅守以保白東至此屹然不爲動亦未始非借力於
賴籌斯種人彼固願爲土國死不欲在俄人鐵手下求活
也今戰罷令隸於俄俄人必殘酷之恐賴籌斯種無噍類
矣且俄割白東貪其地並不欲有其人英國能保亞米尼
亞並黑海至波斯大路於白東土著百姓安危將何以處
之我謝天令我國家憐憫忠勇百姓不論何教我固知大
臣等辦理東方大事必能垂念此忠勇苦惱賴籌斯人而

有以力保之也俄於彼接連鐵路自剔福歷斯帕梯至白
東商販必盛水師可泊商船亦可泊俄亦不必盡滅其衆
以自貽伊戚焉

日本橫濱海關查獲私販鴉片日人將與英國理論販鴉
片者本東京藥商夾帶鴉片二十觔雜藥草臘脂裝箱欲
闖關偷漏關吏獲之送英按察審訊並質以英國背約之
咎蓋日本與英國立約鴉片土不得入境關口拿獲者全
數充公或竟拋棄於海有闖關者每觔鴉片罰洋銀十五
元條約深切著明據販鴉片者謂和約原不過保日本人
不受吸食鴉片之害今所帶鴉片作藥用非爲吸食用也

按察使維爾鏗生以爲立約時並未指明某樣鴉片犯禁
在作約之人明指吸食之鴉片非禁絕藥料之鴉片且鴉
片藥和約內並不提及因將販者縱釋之日本公禁鴉片
會於按察使前呈明謂未成藥之鴉片論其用亦可吸食
二十觔不禁則千萬觔亦可來如按察顛預釋放日後日
本極爲可患因馳文告知英國外部大臣外部允由日本
之英公使查明核辦販鴉片者英人哈得留前曾販過鴉
片十一觔闖關被獲除照例三觔藥料不計外餘悉充公
由英按察訊斷罰洋銀一百六十五元今復闖關其鴉片
爲印度所出實係中國人吸食之物與土耳其鴉片有異

鴉片惟土耳其種可以成藥以其多嘆啡啞也斷爲犯約
誰曰不然

伯靈書信局總辦論送信至中國北路各城如庫倫在拜
開耳湖之南楷爾根卽大同邊關北京天津由俄國轉過
墨斯科舊都至歐科資克卽拜開耳湖西俄造鐵甲處欵
狹此塔卽恰克圖在拜開耳湖東南每一禮拜發遞三次
較之經由地中海蘇愛士新開河印度洋一帶更覺快便
每件信資與俄同價約五分喜林之一合中國所用洋銀
五分每件重十五釐爲率每一字條合洋銀二分半新聞
紙並招貼每五十里取資洋銀一分其自伯靈都城發遞

之期大建月分則於十一二十一三十一日發小建月分
則於初十二三十日發惟二月止二十八日則於初八
十八二十八日發

德國駐華公使並未與中國議內地釐捐免抽之事亟行
起程回國旁人觀其忽遽疑與中國失和

光緒四年五月二十七至六月初四日西報

西歷一千八百七十八年六
月二十七日至七月初三日

波斯國王在法國巴黎斯都城賽珍會內游觀日久隨從
有四員據云波斯監國世子有電信至云國中人民俱安

謚如常

因於賞資大金觀英卦爾

法國地理會聚集於薩滂地方有美國人司且理前曾探

路阿非利加洲由東陞以出西陞開闢西人未經之路其功甚大因得賞賚大金牌茂特爾

德國沉失鐵甲兵船傷亡人命不少通國悲之因捐銀以卹其家屬罕倍克口岸一處已捐得英銀二千四百磅彙合鉅欸以補國家卹銀之不足

駐山斯替法那之俄帥叨得畱益傳諭各帶兵官家屬均班師回俄據帶兵官稱各處營兵奉令速備起身回國土京毗連一帶地方俄兵計二十萬有奇軍中病疫漸多山斯替法那俄兵二萬人均病待送回國所備運送輪船之水手恐疫癘傳染皆私自逸去致駕船乏人

歐洲公會已聚議八次昨俄公使請問日一議欲於別室
先自商酌然後赴公會定議布加利亞事已議畢再議塞
耳維亞莽得尼哥羅疆界伯靈有電信至今早論希臘事
工部局將各國全權大臣在公會聚議形景用油色繪成
一圖以垂久遠

希臘國政府在法都銀行貸銀五十兆福蘭格每福蘭格
合鷹銀一角九分約三十九年清償每歲利銀八厘其一
千八百二十四五年所借國債業已繳清矣計利略得便

宜

英國香港一千八百七十七年錢糧報銷計收洋銀一百

萬五千三百十二元支用公費八十七萬三千二百七元
比較前年則錢糧加多十二萬五元公費減少二萬九千
二百九十二元每謂近年生意寥寥此指西人言之若中
國客商年多一年故錢糧仍無短絀外國人在彼起造房
屋近華商多賃居成市極有益於香港地產錢糧有二十
萬三千元比較前年加多八萬六千二百四十三元巡捕
水捐加多六千元彈丸微區有如是出息誠可喜也然非
英人經理得宜亦曷克臻此

台姆司六月二十八日報伯靈公會議布加利亞疆界業
已畫定在巴爾坎山以北所劃界線所非亞在其西法那

在其南巴爾坎山以南仍爲魯米利亞省惟東一半屬土
王統轄並許土王於巴爾坎山設立天險砲台以固邊陲
俄相加支考夫有病想不日欲回國也

六月二十七日加支考夫以布加利國事已議定出一篇
宣講於衆曰俄國家願望太平是以允從多許事宜俄蓋
與歐洲各邦務修舊好核減山斯替法那和約原稿其保
耶穌教民不可少之各條仍如前議此俄國一番好意公
會各國亦應見諒其餘數條務望各大臣迅行議結是所
深幸此加支考夫一生事業於此結末極用心所在公會
聞之無不傾耳以聽時加支考夫年近八旬矣公會議舉

布加利亞有名之人數員以備日後總統地步然布地富貴耶穌教人每與土國人交好欲覓有學問有見識極自尊貴之品殊不易得東魯米利亞總督由土王簡派須由歐洲大邦特派公使驗看凡事必諮詢各公使而行其西魯米利亞省卽包括麥昔陀尼亞阿爾倍尼亞脫色雷

六月二十九日報日耳曼亂黨法兩次行刺德王德相畢士麻克擬定嚴治亂黨章程交議院議未允行議員皆散去又須新舉議員矣德人茂林著一書名日耳曼民黨通議其黨目有一百五十人此外有數新報館亦其黨羽有成册者名新世界錄購觀者甚衆每售三萬五千本

伯靈都城亂黨較多法與英雖常有滋事亂民然不如布國之恣橫此無他德國政令改變太速以致此耳卽如婚嫁行業各任民之自便而以法拘縱之弓冶相紹不許改業德獲法償鉅款驕恣遂生錢糧有增無減商務忽塞忽通俸餉忽多忽少此皆亂百姓之心而無益於國務者也德國天文家克蘭以姆新查得月球上火山有口見月面之白氣海上有黑色火山口卽在己出名之歇及納斯火山口之西北角兩火山大小適均經三英里對徑之長極深處多黑影每於淡暗色白氣海內觀之甚清此處查看已十二年克蘭以姆謂以前從未有看出者因通知希臘

老天文師須密脫須密脫亦謂是新得之事從前月圖上並未於彼處查出嗣克蘭以姆復查火山口之邊低平口內甚深而下銳嘗於太陽乍落時觀此火山有一點色暗其邊不甚清楚英國天文家查驗此火山口與克蘭以姆同果爾則月面當常有改變以有火山噴物故也

格羅字報俄人於中亞細亞洲盤踞之勢甚固霍罕卽敖罕基法等回地已爲所有俄將軍考甫曼駐紮在彼近有中國伊犁將軍委員至塔斯措特卽塔什干與考甫曼議收復科爾茄地方而考甫曼不允考甫曼於那靈山下建築砲台以阻遏漢兵往伊犁高地之路又發探卒多人赴

漢兵營寨其頭目一爲總兵抱處一爲叅將麥浮克及隨員等其來頗有威勢非若中國委員單騎而往麥浮克爲領路已回至科爾茄謂中國兵紮於虛谷漢帥派人跟隨探路者竟莫由覘其虛實當初俄軍幾與漢兵爲敵迨彼此往來後畧覺和睦然漢兵欲攻復科爾茄則喀什噶爾恐爲考甫曼所襲俄蓋耽耽於彼焉

台姆司七月初五日報伯靈公會現在日夜計議旬日可以戲事羅美尼亞准其自主各教會自行其事不得強以所難孛薩爾雷皮亞南省劃歸俄國英相頗爲惋惜保斯尼亞赫次戈偉訥爲奧國所割土國公使殊不服至於償

款公會大臣咸斷定不可累土國前負之國債希臘索地
尙未定議公會頗不心許雅典人心嗒焉若喪羅美尼亞
都城皮開而立斯脫亦皆失望土京君士坦丁有亂兆土
王疑左右及百姓携貳不服常爲惴惴俄軍環列相向如
土國有不遵公會斷者卽進兵奧亦盛兵以待得公會發
露許割兩省之約乃退

公會於七月初四日又議定莽得尼哥羅暨但牛白江通
行事宜照山斯替法那原約界線內已劃出三分之一在
塞耳非亞莽得尼哥羅之間歸屬土國加闊二十英里莽
得尼哥羅仍連安剔伐里卽愛度力唵狄克海邊地由奧

國監視不許莽剔尼哥羅設立兵船將司撒薩海口劃歸
奧國但牛白江准各國商船出入公派使臣駐彼統轄其
轄境直至茄力嘴如過俄有軍事則封禁不許各國船往
來教會和尚住持如法國和尚住地不准有人攔阻阿叻
斯山和尚俄裔相待之禮如約不改土國全權大臣在公
會起而言曰政府有文件至依允奧國割保斯尼亞赫次
戈偉訥惟論其詳細須由土國與奧國熟商奧公使聞之
無異議焉論白東地方公會亦難定議畢士麻克欲在公
會論定之其勢想歸俄轄惟不許建設砲台英俄兩公使
已議有定見故畢相亦從之焉

英國海部大臣於初四日閱看新式水雷船該船係拋不
拉地方耶洛公司所造長八十五尺闊十一尺吃水三尺
純以鋼造之其機器用雙行汽機馬力四百二十四匹用足
氣之抽氣筒直徑十二寸半如氣不用足直徑二十一寸
半推機路十二寸船以公司製造號數爲名一爲四百十
九號一爲四百二十號前號用三葉螺輪直徑五尺六寸
半螺輪旋距五尺後號螺輪兩葉大小相若另用小汽機
配抽氣鞴鞴添水鞴鞴等用船停大汽爐熄可用此小汽
機抽水水從船底抽由船旁小洞流出船卽不至重沈爐
如汽車鍋爐置於船之前艙火門閉緊不漏卽有鍋爐汽

管傷損不至傷人其法秘不外傳五月二十六日試演鍋
爐汽管損裂汽從外衝筦火門之匠與鍋爐間隔故不受
害汽機之高處不及半船船尾有客座頗廣闊平時可作
差使船如裝水雷則船頂官艙俱拆去鋪釘鋼板一層高
堅處爲行舵者所立艙面平坦通風筒在船兩旁舵皆新
式倘國家無禁出境之示將駛往俄國都城江口你伐地
方今英國家自行購用每五分十九秒時行二英海里每
小時可行二十二英海里半艙內有六噸重壓臟物船首
吃水二尺八寸半船尾二尺七寸每分時輪轉四百六十
次最多可四百七十五次汽表漲力一百二十磅真空二

十三寸至二十五寸放汽每噴一次中空四寸

光緒四年六月初五日至十一日西報

西歷一千八百七十八年七月初四日至初十日

倫敦七月初五日報駐古巴之英領事致書英國外部論
華人傭工之事茲擇譯其要曰古巴島民分三種一歐羅
巴洲人一亞細亞洲人一阿非利加洲人土人盡爲所滅
所謂歐人者皆西班牙人所謂亞細亞洲者卽中國人自
一千八百四十七年起始有中國人前來至一千八百七
十三年中國人不復至此數年內華人到古巴海凡那海
口計十一萬六千二百六十七人惜不帶婦女未得滋生
蕃育今所存者不滿五萬人島中工作日形稀少兼之叛

亂頻年流亡者衆前英領事謂合島人口不過一百二十萬人百姓既少賦稅亦大減工作中亦有抽調充兵並爲巡捕他項之用華人不至黑人亦不增加其奴僕業已禁絕華人在島傭工者合同將次期滿毛利脫章程禁止奴僕凡在一千八百六十八年九月十七日以後所生嬰孩爲自主平民不爲奴僕其當奴僕者年及六十亦卽爲自主復其身今西班牙官軍遇有奴僕卽釋令去亦有主家自行釋放者我聞西班牙國家請中國弛猪仔之禁仍許華民出洋傭工古巴由官員自爲經理並除騙誘掠賣之弊請中朝簡派領事官赴古巴保護然中國無一兵船在

彼領事孤掌難鳴有冤亦莫從伸理海凡那惡黨駢闐不知者往往受其害華人又無家屬不及黑人之自能生育若請中國准携婦女出洋最爲合理我觀近日古巴華人頗安樂有二三好戲館皆華人所開今古巴上等入設有公司招華人傭工其章程尙妥不立合同隨意僱用每百人出洋須有婦女二十五人由中國領事保護不准華傭隸入他籍我甚期望古巴興旺爲墨西哥海灣一大繁盛埔頭然我恐古巴仍欲復奴僕之事特變其名目從前虐遇華傭有一端令人髮指凡合同期滿必脅令重立否則驅令出境以中國隔數萬里之遙而受其驅迫不得不俯

爲曲從現在公司之總管爲公爵阿拉伐派員赴中國商
定傭工條約並請中國派正副領事偕往古巴駐劄擬請
副領事駐通商口岸總領事駐海凡那可隨時通知中國
顧中國領事與古巴地方官往來慮不得力因口岸無中
國商人本無須設領事不若移駐內地糖作聚集之處庶
得保護華人也

香港英按察使施謀爾回國英人稱頌其功德有一議員
謂之曰總稱施廉訪在香港設法嚴禁華傭出洋販賣奴
僕之事頗爲出力天下共聞之無不同聲讚美華傭慘遇
荼毒所不忍言不獨被騙至澳門賣作猪仔卽到秘魯國

後苛虐之慘罄竹難書施按察設立規條嚴行禁止今美國亦奉爲例眞盛德事也又保護土人會數人稱印度人在法國新疆傭工幸得施按察用心查辦衆始明曉而料理之施謀爾答曰此事實賴傳教牧師相助今日牧師脫納在此脫納禁鴉片亦極用心初一千八百六十一年到香港見有船名肥爾達順升法國旗駛至內有華傭卽照會按察使速令釋放陸平昇爲香港總督協同查辦令華傭各陳來歷卽釋回家不復償繳費用罰將船充公變價內有一華人年已老矣據稱在附近村莊散步遇船上水手誘令上船代作函卽幽閉暗艙始悟墮其術中自分不

復見天日得聞釋放上岸如夢如癡在按察署判令回家
猶不自信查此老本讀書人騙上猪仔船聊備死人之數
以利其價值現猪仔已嚴禁香港總督海納賽抵任後亦
頗盡力嚴辦前年遊歷澳大利亞道經紐勾尼亞之生莫
瑟地方見一船探路回來與船上人談便知來由彼思往
開闢疆土本意固佳然與彼處土人爲難則大不可我英
人往必能體恤土人否則紐勾尼亞土人難免陵夷矣

日本內部大臣大久保西名獲扣薄被亂黨刺殺遠近震
驚按大久保久秉日本國鈞經歷患難卒令社稷如磐石
之安其識見遠大事事取法泰西與民更始以期富強國

西國近事彙編卷二
九十一
家會游歷外國多年故所措設皆爲歐人所心折乃有不
悅者百出其計以相阻欲令國家墨守古法出幽入明去
新從舊以遂其私如薩峒馬叛亂皆由於此計無復之遂
刺殺大臣以洩憤日本王親臨其第唁慰卽召各總督來
京爲之發喪設奠致祭日王如失左右手所下教諭一字

一 淚悲感羣臣

俄國藝匠苛佛廓秘製新式水雷在山斯替法那奉到牙
帖其水雷之異於人者火自砲洞發出行走四英海里仍
能轟破鐵甲前在尼伐江俄王特派員查考試演情形日
本水師提督亦在彼看演

德國沉失鐵甲船有水水能泅水撈物近於沈船之處查
察查得鐵甲覆沈於下謂不難起英人有能入水者查之
則謂船底向上舉之不易德國查船之人量船尺寸繪圖
欲募人以起之

波斯王於初二日自巴黎斯起身赴奧國法之伯理璽天
德陪送至鐵路口波斯王在法都旅費用三百萬福蘭格
聞在行館每日須用三千四百福蘭格云

德國報美國前任伯理璽天德戈蘭德與其夫人於前月
二十七日到伯靈都城駐京各公使暨政府貴爵均隨德
世子出迎次日世子偕妃大設筵宴請戈蘭德與夫人來

西國近事彙編卷二十一
九十一
宮讌飲戈蘭德並外部大臣與世子對坐世子妃與夫人
並坐伯靈之有名者往謁甚多畢相屢次往還德王以抱
恙不可以風作函道歉並致恭敬之意初二日戈蘭德偕
夫人起身赴罕倍克海口上船往游瑞典挪威

駐土英公使由羅駝潑回轅稱彼處被難百姓有五萬人
之多中有婦女嬰孩三萬無所得食皆將餓斃

初二日俄公使赴土國王宮宴會土國文武大員在宮迎
迓俄公使往謁英國水師提督况佩時該船升炮十九響
以送之

七月初六日據格羅字報論公會許奧國割保斯尼亞赫

次戈偉訥兩地如此信果確則是新約較山斯替法那原約更酷土國全權大臣於公會力爭謂公會不宜議原約以外之事今於題外作文土殊不服公會各大邦之意東方大局乘此整頓不任土國再肆荼毒於二處且附庸他國愈早愈好然此等舉動何異劫奪公會實未深思土國名分我英國出而與理原不過將山斯替法那原約所劃地土仍歸土國今乃以此二省賂奧尤爲失策奧於東方之事毫不出力而空得其地殊於理有未合想公會中英員應於他處補償土國之缺也

頭歷紐乎斯報論公會於白東地方一節最難決斷俄國

之兵於彼處屢敗吃虧實甚俄欲割據白東公會屢經辨
駁查地圖除星那皮海口惟白東爲黑海南最要口岸白
東附近百姓既不願受土國之虐亦不願嘗俄政之苛况
前經戰敗俄軍俄人於彼毒恨已深俄兵退歸百姓欲邀
擊之以截其歸路幸土軍彈壓乃止何可以割肉啖虎乎
爲今之計英國政府能移文脫勒皮藏英領事令面允百
姓以保護之事公會將此事別開生面令其兩不服屬則
此十五萬黎元可得安全騷爾斯伯爾與胥佛勞夫所立
草約已暗許白東歸俄然此亦何嘗不可更變我甚願望
公會於白東略爲更改第不令土王爲政或交較勝土政

之國經畫之否或俄國置白東爲無稅關之海口則衆意慰矣

格羅孛報論白東不應歸俄亦不可歸土俄於東方興商販之路固無不可但不願俄於彼創設水師成易於攻伐之機會土人欲英保護謂願爲英國盡忠彼深知英國威權足以保護屬地英今卽不肯收其疆土亦應憐憫其衆救出險惡時運英員當非聾聵不聽其所求況彼處實與英有關係者乎

奧國都城新報云駐伯靈各大員欲成一勞永逸之舉應令布加利亞仍以巴爾坎山迤北爲界山之南仍爲土境

土國乃能自立今英俄兩公使所定之約不過論其半而未顧其全土守巴爾坎山之界而山南之所非亞地仍令屬布則已失山之險矣夫布卽俄也布有地在山南俄之權力亦可至彼此次公會徒有虛名俄兵雖退而仍執前議若果欲防禦俄國須令俄軍退出但牛白江以北並不許佔踞孛薩爾雷皮亞地方土之安危全係乎此公會以孛薩爾雷皮亞爲無關緊要不知但牛白江口正爲俄人所日夕圖維欲得而甘心者初不料公會不與俄爭奧國大有關礙亦不力爭前次奧於安剔伐里業已吃虧茲於孛薩爾雷皮亞又吃虧第二次矣公會只算自搭一橋讓

仇敵過來我固無言責彼所惜者欲求太平而委曲聽從之也

七月十二日報公會於前禮拜逐日聚會已十八次矣初五日希臘事已定議所劃地界已包括耶尼那拉里薩法外部倡議意外部從而和之英國皮相曰希臘開通地界欲以鎮除盜賊雖未足其願而未爲詰駁公會皆依議獨土國全權大臣不畫諾初六日加支考夫接奉俄王諭云得白東後當置爲無稅關海口蓋從衆願也將拔掖集歸土國將科託劃歸波斯國英皮相聞之掀髯畢相謂白東於亞細亞界限俄與英詳議之騷爾斯伯爾謂白東歸俄

西國通事彙編卷二
九一四

慮日後有累及英國之處則達特耐爾水徑須有堅確保
押仍任各船通行無阻各國公使皆依允初八九十日論
條約中詳細節目白東事了省却多許工夫此公會所定
爲眞和約明日當共簽押畫諾翌日德王宮大設筵宴慶
賀公會告成英與土又立一和約亞細亞洲之土疆由英
國保護土王允諾善待耶穌教人及他族地中海之薩愛
魄婁斯海島土王讓歸英國管轄初八日英國使臣於公
會宣講是日薩愛魄婁島升英國大旗將軍烏爾斯雷奉
命鎮守其處十三日起身赴任卽於途中毛耳塌島調英
國兵一旗印度兵一旗每旗約二千人之數印度兵已拔

營前往開路又調麥得賴斯兵一營隨同前行按薩愛魄
婁斯島在地中海北邊近昔里亞之土境長一百四十五
英里闊處五十五英里狹處二十七英里爲方有四千五
百英里人民二十萬天氣各處不同北則叢山茂林地不
肥沃有山風吹下甚涼最高之峯積雪半年不消冬令極
冷南則太陽光熱頗大有海風略溫其最宜居住者似西
里尼亞派福斯島最大口岸爲拉內卡距海四分英里之
一領事官多歐洲人常住海岸意國人所稱之瑪里那爲
海島商貨聚集之處此島地本不佳而利於泊船鹹湖邊
有天主教堂其會城曰尼可卸一千八百七十年土人圍

西國近事彙編卷二
四十五日破之島中產麥蕙苡米棉花蠶絲染色樹根名
埋特橄欖油葡萄酒苧麻松香油荳樹羊毛菸鹽木值菓
子山澗中小獸甚多秋冬可獵又冬間多鳥有古玩器具
皆千年物希臘羅馬盛時耶穌教初興時所造也耶穌教
禮拜堂建已九百年今仍歸然無恙

英國烏利治廠造子藥裹四十萬今奉命停造所調雷後
兵均將遣散日本水師兵船已駛至帕訾碼停船處所

德國克虜伯廠造一大砲置新鐵甲船上直徑三十五半
生的邁特卽十三英寸半較之英國三十六噸大砲口徑
更加大二寸長有十米特較膺文昔孛船八十噸大砲更

長彈重一千二百磅火藥用二百六十四磅如再加三十磅藥則砲炸矣擊遠可九英里此爲水師之砲最大者

英國水師縉紳錄本季英兵船上附有外國人員職名計開日本有密切曼叻二人開特脫一人智利有魯脫納二人中國有式孛魯脫納六人

意大利新鐵甲船名檀獨陸有雙炮台一百噸砲四尊汽機係格令業蚩丕叻公司所造馬力七百五十匹船重一萬五百六十九噸與徒伊呂獲鐵甲相等

七月初十日中國郭欽使微服游覽德國克虜伯炮廠並周歷各處著名砲廠次早又赴荷蘭都城將再赴比利時

都城

光緒四年六月十二日至十八日西報

西歷一千八百七十八年七月十一日至十七日

台姆司七月十二日報伯靈公會定於十三日俄英等國全權公使彼此簽押畫諾

希臘與土王清理疆界土王不肯讓克利得島卽圭利脫希臘以公會定議不如其意仍發兵爭脫色雷伊派勒斯英國與土國新立盟約據意法兩國初十日來信云薩愛魄斐斯島新爲英轄有關係於意法兩國英之全權大臣曰一千八百五十六年條約法奧英三國同力保全土國今俄土交爭在山斯替法那議和之約土國已四分五裂

如法奧兩國出而保之英未有不相輔從事以踐五十六年七十一年公會之約乃不謂法奧兩國坐視不理英國以商務有關獨力保之其在亞細亞洲之土境尤災近剝膚英當保令完固其保法有四一埃及應歸英轄二蘇愛士新開河兩頭歸英管理三達特耐爾海峽英水師踞守之四卽薩愛魄婁斯島由英管轄英國水陸大軍就近防禦俄人則土國可高枕無憂矣然以達特耐爾海峽歸英料理易啓歐洲各國疑忌埃及與新開河歸英防範又恐法國生心惟薩愛魄婁斯海島在保守之方已屬其次從前各國未經議及英今欲保亞細亞之土國不得不佔此

西國通事彙編卷二
海島法國亦應諒英之用心良苦矣

駐巴黎斯都城之英員七月十一日來函云薩愛魄婁斯
島割歸英轄之約一出法人頗嘖有煩言法於今日力實
不競而覷見歐洲有事每相誚讓似欲歐洲大邦羣爲休
息以待法國元氣充足相與同利乃爲稱心法既不平於
俄之糜爛東方又不平於英之新法禦俄且以奧國欲保
歐洲土疆心頗不善總之事不同謀其心必不愜並不願
他國之得便宜如當年爹亞爲總統時不許意大利混合
一統其情可觀今法相敢別塔本屬爹亞門下士衣鉢相
傳亦有此意其在公會時不服各大臣之決斷太息俄國

之東侵今又誚讓英國此無他性褊量窄不能耐人得便
宜耳法既不能助英保土英今獨支東方法顧從而怪之
耶

英外部大臣騷爾斯伯爾函致駐土之英使來特云英與
俄兩國全權大臣於伯靈別室論議山斯替法那之條約
料量歐洲土界與歐洲各大邦意見相合尤與英國本謀
相符惟亞細亞之土境計畫較難白東及阿拉西施江以
北砲台俄意堅不欲讓英以此不能不爲深慮亞細亞之
土境人民土不自約束勢必降附他國土王爲政總一味
循行舊制動輒以向來成例爲言治民如待奴虜無一毫

惠愛之心百姓以此不親附土王新敗國內空虛日後不免有騷擾之事是以西里亞小亞細亞麥索帕推米亞百姓以土國朝廷爲不足恃而白東阿達海叻卡爾士俄人雜沓其間畧有齟齬俄必藉口而以兵臨之土國兵不能與敵百姓亦將棄敗歸勝若然則英國於彼處大有關碍英國防患未然於公會劃定界線俄人不得再進一步萬一蠶食邊境英必發兵征之難然土國亦必依允二事英乃可擔當此鉅艱當初英政府大員在土京會議會以意授土王土王允許改好政務善待耶穌教及他教百姓慎選地方官員不復有當日陵轍之弊然此皆屬空言必得

土之實據爲押英國以薩愛魄婁斯島近小亞細亞西里亞之界如得屯兵於彼鞭長可以及遠於事機亦極相合英非欲踞其地亦非欲利其錢糧英派大員統兵在彼料理其政務以禦俄之相侵所需俸餉有餘仍歸土國倘俄人竟卷旆北徙則英亦卽振旅西旋薩愛魄婁斯島之約卽爲廢紙今朝廷簡貴大臣爲全權照來文與土王計議要畧如左土國之白東阿達海晤卡爾士有一處爲俄人所踞不得復佔他處脫令俄再伸足英卽以兵力阻止之在土王必善待所轄耶穌教及他教養老存孤和輯衆庶而不復仍前苛擾並允將薩愛魄婁斯島暫屬英國管轄

西國通事彙編卷二十一
九十九
以昭信守惟貴大臣其速圖之

駐土英公使來特回函云奉來文卽如命昨日在掖兒蝶
斯宮與土王特簡之外部長賽甫浮將軍與某並爲兩國
全權大臣所立條約如左一千八百七十八年六月初四
日大英國君主兼轄阿爾蘭印度國皇與土耳其國王修
友邦敦睦之誼設立盟約保護亞細亞地界兩國簡派全
權大臣英命駐土大臣來特爲英國全權大臣土派將軍
賽甫浮爲土國全權大臣互換和約白東阿達海伍卡爾
士俄苟佔踞一地卽不得再踞他境如過界蠶食卽由英
國助土發兵征之土國當依照英議改好政務慎選地方

官並將薩愛魄婁斯島讓英國管轄俾料理土國之亞細亞地政務和約彼此依允卽日施行兩國以此約爲據全權大臣均畫抽加印又附英轄薩愛魄婁斯專約數條一薩愛魄婁斯島內回教按察使衙門一仍其舊俾管束島內回教人民二島上回教官員由土國教部銓發會同英國委員料理島上禮拜堂坟山及各教民產業貨財三島內錢糧准照近五年之數折中計算逐年查對除發俸餉有餘者仍繳歸土國至公田利息不入錢糧之列四公田本屬土王私產准土王變價五島上田地如爲英人所需准照時價公平買賣或公家之事興辦工程准買不耕田

地以資興築六俄國倘肯退還亞細亞之土壤白東或卡爾士等處及新踞阿米尼亞省之地者英國亦將駐防薩愛魄婁斯島之兵引還其島仍歸土轄以一千八百七十八年六月初四日條約爲憑七月初一日全權大臣均簽押加印

英國水師官甲必丹伯力儒在英京武備大會宣講一論曰中國日本學習歐洲水陸兵法獨日本兼仿西國政務日長炎炎非僅取軍械之一長而已也中國陸軍有旗兵與綠營兩項均隸兵部旗兵京都有御林軍各大城有駐防兵總數約十三萬人綠營似爲巡查者所用非習練攻

戰者其數約六十萬至八十萬人其考試授官無非講究
騎射舊制前與西國構兵始悟軍火之不如泰西近年略
講西法其教練亦用歐人海口有製造局仿造林明敦後
膛槍然常患經費不敷日本仿英國新法不多年標兵有
三萬一千六百八十人戰兵有四萬六千三百五十人親
兵有三千八百八十人裝束一如西式其操演合法一兵
能得一兵之用若有緊要可立召七萬五千兵赴敵民間
年及二十卽仿德國法應募當兵水師有鐵甲四號巡行
兵船十五號操演戰陣兵船五號其兵制足以觀矣
英國新造戰船六號差船二號皆以鋼造之有名阿力施

重四千噸號馬力七十匹每小時可行二十一海里今裝
配已成可卽出洋有三號一名廓佛脫如中國揚武輪船
大小一名槍翮一名麥扣留在克來特江下水餘五號一
名廉旺闊斯得一名邱拉索阿一名卡立斯福脫一名克
里獲派脫拉一名廓麥斯可卽造竣其機器在噴薄陸克
廠製造極靈巧合用每船置七寸口徑之砲兩尊卽能洞
穿鐵甲者船輕而式好行駛迅疾隨意所之無不如意

英國水師兵官甲必丹華倫新查得鐵船底免結蟲窠之
法凡鐵船行海免鏽之漆或防蟲窠各法每價貴而不足
深恃印度運兵船名賽拉披斯用一種膠將厚紙包裹船

底以膠膠之由印度長途往還抵埠後查船底仍光滑無
蟲窠間有紙破處其膠仍粘住不落紙邊卽有螺螄細蟲
黏住並未至紙上是紙卽能辟海蟲之蠹殊出意外其製
糊紙之膠係水師砲台美嚼克黎斯查出

光緒四年六月十九至二十五日西報

西歷一千八百七十八年七月十八
日至二十四日

倫敦七月十九日報英國議政院論中國與西班牙國新
立傭工古巴之約事關國體民命應由中國朝廷詳議周
妥然後交西班牙公使齎回西廷畫諾遵行日後西國有
不照條約行者可邀同盟之國以詰責之也

武備中新增一種火器名曰掌心雷其形似五十年前通

行之葡萄彈不用發火藥引而以棉花火藥團印如球約重四磅許每球繫以長線線端有發電機振似手槍形將球拋擲敵船手內電機一動則火卽從線至球立刻炸裂曾經於五噸重之堅石下試放石爲粉碎如以之轟小船亦粉碎卽大船亦能轟裂

法國巴黎斯都城大排筵宴爲魯脫納皮阿特出游餞行皮阿特率領格致諸少年出洋遊歷考究格致地理其船名如訥自馬賽開行往坂不勞得赴南亞美利加之佈耨

賽力斯繞行浩恩角至山佛蘭雪斯科

卽舊金山

復往東洋日

本中國經由印度蘇愛士新開河回國約水程有八九月

之久

中國駐英郭欽使偕李鳳苞暨隨員等游觀法國都城斐
茄洛新報局據云郭欽差惠臨敝局逐件垂詢各將用法
詳陳隨引導至公廳用小茶點十五日郭欽差到法國內
府藏書處有大臣引導指示攷古時泉刀錢法地理圖志
有一名稿曰天下奇聞卽馬可拋維奧特律等游歷各國
紀載之書又西歷一千五百年小油畫並出名圖畫銅板
係天主教神甫奉中國

高廟諭旨而繙刻者更有中國書籍爲世所罕見郭欽差流連
愛閱不置是夕名士勞斯耨請客在講論萬國人類總會

處各國皆派員於彼郭欽差亦預焉

英國兵船蘇惠飛交駐達特耐爾水峽有水師兵弁登岸
過俄國所劃之界爲俄人獲住次早兵船甲必丹查點兵
弁不在船中因發一員乘舢板往索船將近岸俄兵開槍
擊之有兩彈穿破船舷遂退回稟報水師提督況佩各因
土國都城有會匪陰謀叛逆內有二人赴王宮上變土王
畱住派禁軍密襲會匪聚處擒得五十餘人有出名數人
亦株及之

十一日土國派員至薩愛魄婁斯島駐土英叅贊昌言於
衆曰此島已歸英國管轄島中百姓聞之無不以手加額

英公爵水師提督海偕同土國舊派官員在尼可卸島諭
示曰大英國君主與土國王立約命我權理島上政務我
今來此料理候大英君主特簡使臣前來凡在島舊有土
國官員人等仍舊供職其應須更換者候新簡大員到任
後分別辦理巡捕亦仍舊供職島內百姓仍聽現在官府
命令我願各官府實心辦事所收錢糧悉存官庫此卽代
我英君主收掌者公欵或有失誤惟該有司是問等諭地
方紳民咸爲鳴謝曰百姓得此諭後咸安堵如故並深爲
島人慶幸也十三日統兵大員烏爾斯雷自英起程十七
日至毛耳塌島島中兵卽起行赴薩愛魄婁斯島駐防計

軍中歐人無多大都就地方召募印度兵亦祇暫時駐劄
英國君主簡派烏爾斯雷爲薩愛魄婁斯島辦事大臣授
以勅命章程如英之新疆凡現行事例有不合英君主之
法律者酌量刪改烏爾斯雷示諭曰奉大英君主命治島
事君主深念島中百姓期望興盛令某盡力設法俾土產
生意繁旺並錢糧充足有駐毛耳塌某官奉命來島幫同
辦理又查察巡捕局務設立營寨所有公地出產教產民
產及荒地皆詳加測量至以前土國官所建官署公所均
歸英管理道路橋梁溝澮等重加修整其未經升科之地
亦須酌辦土官收錢糧之法用何等人征收並公費逐項

查核英國又調印度錢糧總管開爾那來島料理造冊送英又調陸伯昇查報海關事務又派拂倫處料理信局

烏爾斯雷所部兵計歐羅巴步兵三營砲兵一羣又印度兵除一營馬兵留毛耳塌島外均於十八日齊赴薩愛魄婁斯島總共一萬有奇又調地中海英屬島水師砲船一名蠻拿叨卽副水師提督之旗船頭等鐵甲五號次等兵船三號島中天氣甚熱缺少淡水今已帶汲水管等件

俄人傳言俄廷以侯爵胥佛勞夫代宰相加支考夫執政加相聞之不復他往卽折回俄都

意大利國以公會議定條約爲不平且以薩愛魄婁斯島

歸英管轄則地中海東方暨意國俱震動意人會議不下五十處皆憤形於色並欲清理意大利疆土以奧國於愛度力唵狄克海之權勢過大也夫外帝蘇俄支吾夫蘇俄

俄三盟品中天除其禁烟定為冰冷習帶氣亦皆發掛

各營拿因時限水頭封禁之類俄艦裝艦甲莊總定若與

雲漢島嶼共一萬有餘友匪與中德英俄島外和蘇聯

與領一官與共留手耳設品依律致中及日齊法蘭愛與

蘇爾波普爾將共捕烟盤因從吳三管解共行露及甲與

英又隨劉印長查駐辦爾毒毒及於俄倫與釋壁自風地

西國近事彙編卷二終